


鳳山彝倫堂刻何氏重修宗譜新序



鳳山何氏  
公運公派

禮有之君子因睦以合族旨哉斯言夫合族

之道莫先乎親親親親故敬宗敬宗故收族

要惟譜牒能兼權焉何氏滴之望族也自

文建始遷文昌椒蕃陟衍代有聞人至南

宋公輩握翰苑之才華噉家乘之文藝

啟陽公派



而何氏譜牒遂彬也然彪炳於世鳳山自

餘子之相度後蓀枝昌盛與文昌亞其間或

以科第顯或以道學傳或以政績著載在譜

牒班也可考迨咸豐庚申髮逆竄入浙境

蹂躪還洶蕩浙我廬舍焚劫我財賄擄戕我

黎民生靈荼毒慘不忍言賴



聖天子御極命將出師肅清妖氛得以重覩漢宮威

儀第兵燹後里邑蕭條人烟寥落當此割瘡

痍未復之餘誰其以宗譜之失墜爲兢兢者

而何氏若本福春喜國聚大田士叙起福鳳

儀等每以此爲急焉蓋恐年湮代遠典型淪

亡他日生卒遷徙婚嫁墓娶必有等諸夏五



鳳山  
部公者此則子若孫所宜深懼者也然鳳山  
之譜前與文昌共葺後以族大支繁滙葺難  
協遂兩相分集自成一隊焉前譜自 道光

乙酉修葺屈今已閱五十餘寒暑矣苟因循  
坐誤置爲緩圖將典章文物殘缺日甚其不  
至視九族若秦越者幾希况兵荒來滄桑莫



測變幻無常倘不及時修理將時過境遷紀

載失實何以示後嗣鳳山餘子宅人傑地靈

風醕俗美聚族而謀乃以老成者主總理以

通明者掌文集以勤儉謹慎者職催科而司

出納其成法遵諸先民其承祧準諸昭穆其

度支費用取資丁與口焉是以柄權專而人



心一事功建而民情歡起局於正月告竣於  
桂月閱八月而成披讀之下第見左昭右穆  
縷析条分嘉言懿行旁搜遠紹其文辭繁而  
不縟其義例嚴而有文可以承前烈可以昭  
來許何難繼步潛齋諸公而後先輝映哉然  
是役也諸公之力竭矣諸公之澤長矣觀乎



此而仁孝之心當亦油然而生也歟行見孝

友睦婣任邨之風徧釀寰區而大化翔洽其

秀而文者樂詩書之澤其樸而愿者安耕鑿

之天上以成 國家數百載昇平之治下以

啟奕驥千百世啟叙之謨豈第區匕何氏台

一族之譜牒而已哉予前署縣事時耳熟何



氏之閔閔者以未得拜讀宗譜爲歎今  
羈身會垣有鳳儀錦墊等以服賈至省晉謁  
於予並丐一言以弁諸首予喜諸公敬宗收  
族之意有當於君子合族之道也爰不辭固  
陋而序之

旨






大清光緒二年歲在疆圉赤奮若桂月上浣之吉  
欽加同知銜前署涇安縣知縣加三級紀錄十二  
次尋常大功二次辛酉科選貢

昂亭弟王紹庭拜撰







皇朝庚子秋九月

對奉滿大夜二夜辛酉拜懋首

趁賦同賦尚南署高安縣賦賦賦賦賦賦賦賦賦賦

大前光緒二年秋



粵匪紀畧

竊聞盛衰興廢世運之常治忽否泰天道之理自東漢黃巾倡亂至唐有黃巢之反宋有方臘之擾元明兩朝兵革叠興至本朝康熙間吾里雖遭流寇之難生靈未受塗炭之災詎意咸豐御極以來災異迭現丙寅孟夏之冰雹如卵丁巳七月之洪水滔天戊午三月之狂風圍木翻根日月薄蝕霜雪失時妖星見于西南形如掃帚光芒激射百丈勢若流星國家將有變亂之形天道先出異災以告也是時干戈早動粵匪始擾兩廣延及福建江西遂陷金陵霸江南而橫縱出沒勢甚鴟張清安與徽黠相鄰眾恐遭蹂躪譁言焚香迎接可以免禍又云書順字而貼門可保不焚總之謠言布散俱爲無益族中老成但曰省城難免不虞若山源窮谷其來何爲不料庚申三月賊



酋僞翼王石達開之中三旗左旗等賊目由開化馬金而擾遂瀘又

三月朔日由瀘城北走客嶺昌化到印子埠分水一帶駐紮十三日

午刻賊匪由塔嶺蜂擁驟至當時族中男女老幼俱奔逃矣幸吾里

打館一宿被擄者七八人隕命者一二人屋廬焚燬數堂資財掠擄

無數復往渡市瀘城駐紮四十餘天路隔三四十里一日數驚夜難

安枕又誑騙鄉曲進貢安民及誘入網羅人財兩失迨四月中旬後

因徽嚴二郡水陸官軍攻打甚急仍由大源走客嶺過昌化往寧國

駐紮是年季秋復至由大源走昌化一帶來往又有於潛駐紮之賊

連營分水百江至次年正月望後再退然老幼婦女雖早避深山但

健壯者在家亦難免日夕之驚旋奉張提督諭設民團防堵賊匪我

文昌起局名曰全勝諸勇遂擊賊于橋西與渡市間頗獲勝仗仲夏



擊賊于長樂之覺嶺。奈因各路民團不繼，火藥不敷，以至奔敗陣亡者數十人。迨于六月初十夜，由沙嶺入安樂源，駐紮長館軍中，勾斗喧天，晝夜炮聲震地，勢如山崩地裂，人民膽喪魂消。是時合族躲避山內，賊匪日日巡山擄掠，四面搜圍，靡地不到，聞其聲者，父母拋子而逃生，被其擄者，骨肉生離而分散，蓬舍盡焚，使人無棲身之地。米糧掠盡，使人爲餓殍之徒，延至七月望後再退。於時合族回家生者，骨肉分離，死者肝腦塗地，稻粱粒食無收，門板折燒殆盡。家家屋留四壁，處處糞穢莫堪，貧者啖草聊生，富者捧銀餓斃。緣因我里通蘇杭之陸路，是以賊匪來往，疊經數載，賊酋若僞侍王、忠王、輔王等，靡不至焉。嗣後賊亦缺糧，地中野草啖完，水上浮萍食盡。况兵燹後，繼以荒歉，荒歉後加以瘟疫，現在之人十傷八九，兼之人食人，以刻酷。



難言白骨滿途。僵尸遍地。不意粵匪退後。而豐源王姓土匪結黨成羣。惡甚粵匪。吾里祠堂廟宇。概村房屋。盡被燒燬。男女老幼。無一不受害。因是壯者走四方。老者填溝壑。迨同治甲子後。左宮保痛剿賊匪。掃盡髮逆。命幕友王開煦赴縣事。搜捕土匪。而四民始有生還之慶焉。予固援筆直陳。俾後人知前人流離失散之由。里黨摧殘寥落之源。備歷時艱。而善惡由人。盛衰有自。後人高。清平之福。宜知思患豫防。遭劫難之秋。當急圖維。戒謹思患。預防也可。

旨

大清光緒二二年歲在疆圉赤奮若。屠維作噩。月上浣之吉。

文建公五十三世孫 賞戴藍翎候補千總鳳儀薰沐百拜謹撰



何氏祖譜序

何氏祖於韓上晉出也唐叔虞之適胤周武王之裔緒也周本后  
稷后稷本黃帝公孫氏其所繇來遠矣叔虞與成王同母弟也成  
王即位雖曰剪桐戲封以有土於唐然兄爲天子爲之弟者縱不  
得食於唐獨無分土而已乎再世而變父爲晉侯亦惟王命故也  
桓赫封於曲沃爲晉謀則不滅所以開韓侯三晉之業者其在是  
歟十一世而不幸遭虎狼之秦蚕食六國韓滅固力不競安王子



允易姓遜身寔為千萬世子孫興亡絕續之會千鈞一縷亦危矣

哉夷考厥後在西漢則何並守潁川哀帝朝在東都則何敞守汝南

章和曹魏則晏侯關內文帝朝江左則充錄尚書成帝時曾劭父子繼

仕西晉或進爵太宰或庀職司徒劭尚之父子武帝時為大司馬長史濟美

劉宋或位列台輔宋文帝時或抗志自高尚之孫雖人品高下不可

以一概律然其簪紱蟬聯冠蓋相望汗青簡冊代不乏人自漢

末迨晉齊枳房之貴照映三朝原其譜系雖不皆出於一派然史



傳所錄大抵出於廬江扶風陳留南陽要皆安王子允之子孫散  
在四海而綿諸歷代者也本派自東晉吏部侍郎相土肇基於  
永嘉元年上下蓋千載於此矣獨恨的公以下茂公以上中間不  
續者數世使人掩卷欷歔感慨不能已然有絕譜而無絕人天  
未覆墜式克至於今日夫以一人之身上承祖宗下闕後嗣者悉  
係於此顧不甚重歟繇今視昔則前日之祖宗今日之一身也繇  
今視後則今日之一身他日千萬人之身也以一人之身分而為千




萬人之身人見其千萬人不見其為一人之身也故兄弟而為比隣者有之矣再世三世而為路人者有之矣四世五世而為仇讎者有之矣又安知百世千萬世上下其初不過一人之身而已祇今二子之在吾膝下以至他日子之孫子讀吾譜退省其私或有似吾前所云者可以惕然動心而亟反其初矣祖宗在天實聞斯言

昔

至元二十五年歲在戊子正月上元日漢牧亭侯三十五代孫前



宋承議郎監察御史文昌夢桂齋沐百拜謹叙





鳳山何氏宗譜

鳳山何氏宗譜

鳳山何氏宗譜


鳳山何氏宗譜

鳳山何氏宗譜

鳳山何氏宗譜

鳳山何氏宗譜

鳳山何氏宗譜





嚴陵何氏族譜序

族之有譜所以紀一姓之苗裔正萬代之昭穆使為子孫者皆  
藉此以興起其孝弟之心敦其姒睦之行而不互相親為途  
人此譜之所以有憫於氏族甚重也何氏之先出唐叔虞之  
後燮父改封於晉其後至曲沃桓楸之子曰萬今土韓原子孫  
遂為韓氏之後至安工為秦所併王子允得逃以免其以初生  
時有文在手曰何因姓何氏其應兩漢魏晉隋迄唐五我



鳳山何氏家譜 卷之四  
天朝簪纓相承代有顯者。若嚴陵青溪一派則出東漢牧亭  
侯騰之後。三傳至文。建晉太康中致仕而歸。至青溪縣  
樂其風土之美。遂家焉。今大理大卿夢桂寔其後也。  
夢桂嘗以其家譜一編。緝余請序。既得而閱之。其苗裔  
甚遠。世次甚詳。而類列甚繁。可謂明覈而切實。其用心亦勤  
矣哉。嗟夫。源深者流遠。本盛者末蕃。何氏自得姓以來。垂  
千有百餘年。衣冠綿聯。詩禮相繼。非其祖宗積累之厚。




曷改是耶雖然不有祖宗啟之於前則無以植其本不有子  
孫承之於後則無以衍其澤何氏之先積善行義以敷佑其  
後者如此及今有為夢植者善繼善述以萬念其先世又如  
此則其族之蕃衍而盛大者亦豈無所自而然哉是可尚已  
因其請書此以為之序焉

咸淳辛未之吉

賜進士第授仕郎鎮江建德溫三州儒學教授



縉雲君聘蔣世珎撰



此序原係蔣公為夢桂公作者不意後改換廬陵曾祭為富中公序今若非見狀元公玉  
室手卷幾莫辨矣故特改正以杜後之饒舌者



何氏宗譜序

譜者補也補者填也傳者續也續者連也蓋  
填補乎其前而連續乎其後者也吁譜傳之  
意大矣哉伏讀本家譜傳每切興感疑其勘  
覆不詳訛傳脫漏亦或不無兼以比册傳寫  
之訛書臘爲獵疑以傳疑誤之又悞者比比  
有焉且舊本雖存紙墨淪敝復恐其年歲愈  
深推考愈難故嘗不自料輒因已成之書證



以經史子傳叅詳新舊校正異同悞者正之  
缺者補之疑者闕之不敢以臆定也蓋先以  
屢朝修定譜牒詔勅表序冠之於前次以里  
居人望陵墓等目列之於後開卷一觀知所  
原委然後系世以爲圖因圖以成譜表名以  
首世因世以垂系上自黃帝下至今日計一  
百四世分爲五卷名曰世系宗譜家傳藏之  
篋笥以詔子孫使知其所自來也若夫所以



傳補之意則有非區區所敢言者雖然圖係  
乎前而根源著矣世尊乎上而天理昭矣系  
統乎下而人道立矣是則凡有志乎家傳者  
亦將慨然有感于斯而諸先祖從來傳譜之  
遺意或庶幾乎其可以默識于方寸中矣因  
述其旨意條例如此列于篇端以俟後之同  
志君子僭越之罪永無所逃

嘗



大明洪武元年戊申十月朔日

黃帝一百四世苗裔敬德齋沐百拜謹書





何氏族譜序


淳安何氏祖考及垂鑿坤之序

及推之考堂吏報其裁善名聲

讀其所以報故語

象物得象以管由之出族譜傳

為象深究其譜系昭善名





文誠之為子不家於長而


後自漢牧守侯於十九世

歷年百餘載而以積德厚

心志勤奮於戲一室地

有人生其留為是之時

張業居六世為第彭向弗





及人文既辨然後天子建國因  
生以賜姓地以土而命之以氏焉  
河東出皆韓、為秦所滅安王  
子允造身易姓遂別為河  
氏吳韓公出皆晉、出自周  
周出皆黃帝、姓公孫氏周之



爰棄緝曰庶綬子姓姬氏由出


福之姓出統於祖考之承傳出

隆百世而亦受民男別氏之子孫

之姓自分或民男而受於氏至

以是者以心以出以貴者以

爵以檢以可板其也世之人傳









序陞之時考核未及原籍以否原籍不


孩老已瞭然於心且乞其某為之

子某為之孫而其為之祖某為之孫又

同出也其祖在古以形名或職芥

缺遺為後長親之可以結李牙

飛騰之報窮親者命亦祝也







族為進人者為少是子歎故不可  
不叙遂為之書焉

明永樂九年筆以登來嘉王之子


鮑進士及第為少次國子崇誼

江榜題宗族撰





何氏宗譜



何氏宗譜

何氏宗譜

何氏宗譜

何氏宗譜



涪安何氏重修族譜序

何氏姬姓唐叔虞之後爲韓氏後世至安王  
爲秦併子允逃以免禍以初生時手有何字  
文遂以何爲氏歷漢魏隋唐宋元簪紱相繼  
代不乏人嚴陵涪安何出自東漢牧亭侯三  
傳至文建爲東晉吏部侍郎後罷官歸從楮  
樹村過塔嶺至青溪縣家焉即今涪安  
之富昌也其後夏桂  
號潛齋同姪景文登宋景定甲子鄉薦明年



鳳山何氏宗譜  
卷之四  
咸淳乙丑登從叔夏桂榜進士出身當時

御賜綵聯有云子拜丹墀親未老叔登金榜姪同

年之句竒之遂賜改富昌爲文昌自是族聲

益著冠蓋相望譜不絕書

國朝尤盛榮善敦善兄弟也並爲州郡伯昭善任

縣令克明任通判貢任同知澄任縣尹叔連

兵部司務奎與敬德任司訓皆文章之才俊

也今文昌之彥曰士敬由太學上舍將顯庸



於時念譜世火紙敝墨渝思重脩之且痛嚴  
父蚤逝躬奉慈母于堂嘗構壽慶樓以寓愛  
日之誠徵余爲序且述重脩之意予弗暇爲  
之茲斬焉衰絰泣曰不幸老母并長子相繼  
而歿敬慘酷之禍一至於斯特東歸刻是譜  
以永其傳予不能辭姑舉其畧以冠於篇端  
爲之族人者視其譜而識士敬尊祖敬宗之  
心與夫顯親揚名之念寧有窮乎其孝弟之




心油狀而生矣是為序

皆

大明正統元年丙辰春二月望日

賜進士第前吏科給事中行在翰林院檢討

廬陵康振拜撰






何氏重新宗譜序

何氏淳安為著姓以其應世  
之遠生才之繁而又聚族以  
居以故衣冠禮義蔚然為鄉  
邑共稱予嘗詢其源流何之  
先蓋自周出周之後有食邑



韓原者因以韓為氏傳至安  
王子允易姓避秦之虐而韓  
始為何其子孫仕漢歷顯爵  
譜有可稽者曰牧亭侯騰再  
傳至東晉吏部侍郎文建公  
太康中罷官由於潛徙居今






淳安之文昌子孫遂定家焉  
自唐而宋代有聞人咸淳中  
潛齋先生以進士高第顯名  
當時著書立言光啓後嗣於  
是文昌之何聞望益著有以  
哉夫自周至今其世數如是




之遠也漢牧亭晉吏部宋潛  
齋中間仕者尤班班然其生  
才如是之繁也文昌之族自  
吏部至是已若干世比屋而  
居婚姻喪葬慶弔相赴其聚  
族以居又若是之久也未大






者枝茂源深者流長固其宜  
耶文昌之譜宋以前潛齋已  
備之矣自是以來仕而顯賢  
而隱者益接踵摩肩譜不絕  
書益有以見何氏之世澤方  
盛而未艾也太安二守宗敏





實潛齋之裔治有善政暇日  
復抄錄是譜而新之求予為  
序予述其世次之遠賢才之  
衆與夫聚處之久以見其族  
之可以盛大云何氏子孫尚  
知此自重哉





景泰三年壬申夏六月朔

賜進士及第嘉燾大夫兵部左

侍郎翰林院學士兼左春

坊大學士知

制誥兼

經筵講官邑人商輅序



孫致禧字子大


陳致禧

沈大學士

許伯謙林湖學士兼武春

魏進士文蔚兼武春大夫兵部次

景泰三年壬申夏六月





何氏譜序

涪安何文選與分水何叔皓同一家譜中人  
也顧惟其譜圖系蕃衍支派衆多其中之或  
缺或訛則有之矣而其他之或真或僞蓋亦  
不能無也於是叔皓裒集各派之譜編閱精  
校缺而有據者補之訛而有徵者正之已世



者傳之未系者續之既脫稿叔皓召匠起工

文選請予請序且指陳其一二疑信處以質

正焉其用心也勤其志慮也遠矣是可尚也

嗟乎作譜猶作史也信以傳信疑以傳疑而

已何氏之譜在宋季作於潛齋先生其於的

公以下茂公以上不續者數世蓋先生咸淳



乙丑及第自台州軍事判官七轉而至大府  
卿皆在危急存亡之秋故凡見諸他邑別派  
之譜者何暇詳考所謂疑以傳疑者也在

聖朝作於敬德先生其於的以下茂公以上續人

孚公伍公陸公安公岳公蓋先生仕止分水  
司訓往來不越百里正值太平無事之日故



凡見諸他邑別派之譜者皆得以詳考所謂  
信以傳信者也孔子作春秋於夏五郭公之  
類則傳其疑朱子作通鑑綱目於昭烈中宗

之類則傳其信潛齋敬德兩先生之於家譜  
亦猶是也而文選叔皓之舉使何氏之譜自  
晉唐兩朝勅修之後復成全書其圖系之確



紀載之詳所以著潛德垂懿範者皆不待他  
求而得之於此况又真譜既出偽譜不行上  
足以慰安祖宗於未泯下足以激勸子孫於  
無窮又傳所謂善繼人之志善述人之事者  
也得不謂之孝焉已乎予故不果於辭而勉  
爲之序




皆

大明宏治五年壬子春三月十有五日吉

賜進士第資善大夫南京工部尚書致仕

詔進榮祿大夫七十六翁胡溪胡拱辰拜撰





廬江何氏宗譜序

大凡物不得其美則修之曾子曰修我牆基  
爲寇至也禹曰水火金木土穀惟修因水患  
也孔子假魯史修春秋爲亂臣賊子害綱常  
也雖然春秋天子之法也而孔子且修之况  
家譜乎且家之有譜猶國之有史也凡一代



之史二一。代修之始不廢墜。是以堯典本虞書  
之所作。故爲虞書。舜典本夏史之所作。當曰  
夏書。孔子作書。斷自唐虞以下。以其文獻足  
徵也。今世有志之士。並亦用心於譜矣。但先  
世之人有賢有愚。故譜之爲書。有興有廢。不  
能以皆美也。今觀大叅何君繼宗所修宗譜。



上自黃帝下至韓安王子允是爲易姓何氏  
之祖也傳至長史嘉公居廬江是爲立郡之  
祖也騰公出守武陵遷居於潛之牧亭是爲  
過江之祖也至其孫瑛公調守睦州遂居分  
水楮木村遂爲分水之祖也生二子長文縱  
守先人之舊廬次文建歷官吏部侍郎又從



楮木而遷瀋安之文昌此爲瀋安之祖也迨  
今四十三世矣其譜豈可不修之按譜始自  
西晉祠部郎何文縱同侍中何劭進譜狀於  
秘閣奉

勅撰修迨唐修於秘閣汪行忠宋修於狀元何  
夔桂元修於司訓何克恭皇明永樂修於南



安太守何敦善天順間脩於兵部正郎何文  
用成化年修於按察使何尙質經今三十餘  
年矣若或譜之不修則其流將至於卑踰尊  
䟽踰戚欲望其流光之美不亦難乎雖然譜  
之爲書非徒所以敘昭穆而凡先世之達官  
聞人德行政事靡所不載後之有志於譜者



鳳山何氏宗譜 卷之五  
蓋一覽而知某也忠某也孝某也賢某也德  
將自欣慕感發興起以匹休前人使我之名  
實亦將與媲美而後已書曰纘其舊服無忝  
爾考其斯之謂歟

皆


大明嘉靖元年壬午秋月朔旦



賜進士及第光祿大夫柱國少傅兼太子太傅

禮部尚書武英殿大學士知

制誥兼修國史總裁致仕餘姚謝遷拜撰









補遺辯證

辯惑正疑者儒家之一事爾蓋不辨則無以明不正則無以定而況事關人道之大且重而有所不得不辨證者也吾家自王子允易姓以來原夫上之至黃帝公孫氏中間爲稷爲周爲晉爲韓布諸經傳傳之簡冊世數厯厯如此之明委而下之至於今日中間經歷兩漢三國六朝隋唐五代及宋及元觀於家傳宗譜視以通鑑子史世數昭昭又如此其備也所可歎者我叔廉先生清之公重修本派譜傳自的公之下缺畧數代以茂公起而我狀元潛齋先生爲製譜序亦因其因不復攷正乃曰獨恨的公以下茂公以上中間不續者數世於是一時羣議沉於年世不復攷證或謂自的公至茂公相距二百六十年姑以茂公一世除三十年子餘一世又除三十年其二百



間以世計三七二百一十年世世相承或謂騰公從戎當在壯年茂  
公葬時却在沒後前後乘除姑退除二十五年正得四百五十年法  
當一十五世今自騰至茂僅存七世中間尚缺八世或曰六世或曰  
四世一時衆論泥以三十年一世之說拘以定法由是紛紜茫無所  
定嗟夫壽有短長論難執一豈可拘以一定法而畧不屑以旁宗末  
族之譜校證而取正之哉獨勉齋先生諱景堯於至元癸巳親詣於潛  
會杉村宗人譜自成公至縱公厯厯如吾家譜牒云獨叙茂公於縱  
公八世孫孝謹公之後其譜以茂公終焉再會新城何氏譜亦如前  
所云然而日復日歲復歲亦未及改正以解後人之惑爾至希堯先  
生應元公於後正元四年戊寅正月五日庚子同仲人先生友壽公  
親會廟下何源家譜則的公之下茂公之上有孚公伍公陸公妥公




岳公五世並葬地所在與其生娶行實壽卒歷歷可考且曰岳公三妻三子皆蚤死後以湯煜文縱公八世孫孝謹公之子曰茂者繼之云云信是則茂公以於潛人來繼岳公之事明矣至今俗人尙有何何鄉音亦非徒然之言也又於辛巳年四月十四日會橫嶺上人譜記曰何干二公家因買桑葉到彼家見大竹紙本但語俗云爾亦云然信是則無疑矣今以旁宗別族諸譜證之昭昭有在而本譜獨缺良可歎也釋文云譜者補也敘別宗枝辨詳昭穆不可以其微而薄之不可以其疎而忽之且人事有盛衰而祖宗則無彼此夫可不引其旁宗微族而取證之哉區匕之心惟念夫年代愈遠推考愈難疑以傳疑永無信史是以不能避其僭越之罪而不取正之也居窮無爲幸無他故得以研精極慮繼日以夜徧閱舊傳旁采宗譜抉摘幽



隱校計異同以舊譜耀光公親筆為正雜引經傳子史朝代年月以證之

尚冀同志君子參詳稽考相與訂其訛而正其疑幸甚幸甚

何敬德書





何氏族譜辯證

昌黎伯言春秋謹嚴胡文定公釋曰莫謹於華彝之辯家史亦然莫謹於真偽之辯故古之君子是宗者雖微不遺非族者雖豪必黜所以重一本篤親親也何氏族譜勅定自西晉歷唐宋元明本支百世莫非闕睢麟趾之遺前人述之詳矣第在唐有前五房在宋有後五房之稱逮度宗皇帝時或中絕或遠徙前後五房不啻晨星落匕我潛齋先生懼其蔓茲難稽爰就近而可核親而易識者專於儼公本派編立三十宅卿公下二十一宅光公下九宅派分里居朗若列星而稂莠之害嘉禾者無有也泊崇禎續修僅存十二宅而餘皆杳不可考嗚呼盛衰之數雖曰天運何遽桑滄至斯耶距今又將八十載矣其間循環多不可知此庠彥啟行諱爾洽者慨然倡會續之議也



幸祖宗之靈各宅持論僉同不期來歷曖昧之上河僞附士芳宅近  
祖宏公遠宗光公賄線何周宅日章公下逆賊共別爲雁行宗派忍  
售郡馬故府分庇新鬼鑲開竄入之竇使砥砢淆玉魚目混珠貪賂  
忘親之罪上通於天矣按士芳生伯文伯文遷宜興文一世卽止並  
無繼續舊載甚明上河果其遺種洪武初隨修於聯夫宅敬德公彼  
且於的公下茂公上潛齋公闕疑而遺憾者悉皆考核詳慎補缺訂  
訛豈附近之瓜葛反作備外之有是理乎審是而伯文無傳上河非  
嗣案無疑獄矣厥後宏治間叔皓公嚴別涇渭其孫大忠公重訂異  
同乃何周宅人也因而不益則其非我族類又不辯自明矣雖者曰  
然則孚惠廟原委記有東廊係上河汪坑子孫造之語非歟予曰然  
誠有之廟記可據而圖傳豈誣合二者而以世考之則知彼之爲贅



疏矣按廟創於宋哲宗朝勝詳公而士芳生於宋季所謂子孫者對  
廟主而言亦父前子名之義也則士芳者乃子孫之子孫夫何疑獨  
是繼世弗嗣則其爲子孫者亦已矣廢興無常而繼居者遂沿而襲  
之然世近則難淆派親則易辯所以先朝會修十次未有孰是以起  
釁者若傳會當日子孫之後直黨僞者明借爲口實耳比事以觀而  
汪坑之祖南一宅不亦同爲朱虛侯所不容哉有遁其辭者曰繼絕  
世古帝王繼天立極有功生民後王選建而繼之若庶民之家舉例  
自行可也據云當繼亦當於章公下溯源循流輪挨世次乃欲剪荆  
棘之枝粘喬松之幹是旣絕而又重爲之絕於繼絕乎何居或又曲  
爲之說曰伯文公鄉薦也不可使其無後噫是孰使之然哉臧紇請  
後於魯曰苟守先祀毋廢二勲是守祀者臧氏後也今伯文之後安



在乎房杜名賢不聞鵝頭湊鴨頸幽明一氣故也況代更三姓歷過數百中間隔絕一十八世顧安得一綫血脈而議繼于四百餘年之後也子休矣瀆倫亂宗罪浮於呂與牛矣嗚呼崇韜身附汾陽史遺餘臭狄青不敢上攀梁公識者避焉夫上河之混竄固爲無耻而何周宅之力援不仁甚矣昏迷右袒致使光公親宅忿焉散去是何異奸檜專主和議賊害忠良卒受金虜之紹而趙氏一塊肉終不得而保也卿公後裔宜謹毋濫寧嚴毋恕者正爲祖宗續一縷之真脈俾軒轅苗裔不致混於僞而莫辯耳彼引鬼入厝者是絕先祖之血食亦將自絕其血食也已以假種賂故離一本九族之親棄同鄉共井之舊不惟儂公怨恫而光公亦抱骨肉離異之慘矣去順效逆尙忍言哉聊記始末後之人知分集之由罪在彼而不在此



皆

皇清康熙五十五年柔兆涖灘歲闕逢敦牂月下浣日

耀卿公本派下二十二世前

始祖昭利靈順侯四十七世孫

邑廩生鶴凌齋沐百拜譔









鳳山宗譜目錄

卷之首

知縣王序

粵匪紀畧

狀元公自序

教授蔣序

敬德公自序

祭酒張序

翰林康序

御史洪序

三元商序





尚書胡序

狀元謝序

敬德補遺辨證

鶴齡辨證

凡例二十六條

領譜目錄

歷代修譜題名錄

歷代修譜原委錄

唐秘書汪序

何氏翹望考

鳳山宅派考





職官考

歷代誥命

旌表貞節考

旌表貞節題名錄

孚惠廟原委考

古廟圖


新廟圖

錫策樓賦

文昌六宗祠記

文昌八景

先賢遺墨





鳳山餘子公村圖

鳳山新圖附墓圖

此圖由陰附陽查考原譜未有此式且村落處陰墓紛紛俱未集載因而告竣之日似生嫌隙所以此圖以為鳳儀已刊

文昌族誌

騰公墓圖

讞語

復述牧亭侯墓

瑛公墓圖


萬程阡圖

文建公夫人墓圖

妥公墓圖

公運公墓圖

餘子公墓圖





坤公墓圖

焜公下墓圖

啟陽公墓圖

卷玉芝公墓圖

幼道宅村圖

梅峯村圖附墓圖

幼道宅社廟圖

壽德公墓圖

繼祿公墓圖

墓營誌

未譜人望考





卷之一

世系本源 分宅總圖

世系分派圖 第一圖 第二圖

壽公墓圖 第三圖 第四圖

卷之二

列傳 林圖 柳墓圖

天字至定行 凡三十五世

卷之三

海字至騰行 凡八世

卷之四

啟行 凡一世





卷之五

跡行 凡一世

卷之六

裂行 凡一世

卷之七

土行 凡一世

卷之八

牧行 凡一世

卷之九

亭行 凡一世

卷之十





鳳山何氏宗譜

侯行 凡一世

卷之十一

楷行 凡一世

卷之十二

木行 凡一世

卷之十三

英行 凡一世

卷之十四

胥行 凡一世

卷之十五

宇行 凡一世



新修堂



卷之末

羊城羅迪跋

散善公跋

主事周瑄跋

禮公跋

奎公跋

之翰公跋

雋公跋


越公跋 失紀

祀公跋 失紀

鳳儀跋

道光乙酉彙編總首尙有前序後跋惜兵燹後序毀跋朽纂修者難以承志以俟後啟者繼其志焉

文昌族誌





鳳山何氏宗譜

派公親

大孫

派公親

大孫

派公親

派公親

派公親

派公親

派公親

派公親

派公親

卷之末





凡例

一譜系取法歐陽每圖以五世爲率再圖以六世提頭所謂五世祖免殺同姓也六世則親竭斯可以上承高祖爲元孫下系元孫爲高祖反此則尊卑失序非譜法也

一鴈行取法蘇氏以年月日時序其昭穆以數目字號等其次第雖得一日之長亦不使之落後若有舛錯則昭穆無倫矣

一凡分宗起系必書某宅人某人第幾子某年某月某日某時生某年某月某日某時終葬某處娶某氏生幾子名某或書遷某處所以辨族屬別長幼識遷移也

一列傳載名諱字號年庚生卒遷徙墓陵其間潛德碩行人物名宦忠義節烈是皆間世奇英不容泯沒凡在舊志悉以列入若屬新標定



行補載

一本宗族大枝繁潛齋公所編三十宅後修二十六宅至崇禎十二年會修僅十二宅後康熙五十六年非宗亂譜兄弟離邊我

卿公下

續修僅七宅非得已也時因雀角多途工費缺乏其閒不無舛誤乾隆壬辰續修復增應高宅共得八宅道光乙酉本宅因年久分修增幼道宅子仲派兩處全集光緒丁丑續修查各支宗譜遭粵匪所焚者俱多僅啟陽公下所領宗譜繳局以故另刷新譜一部永表珍藏之巧不朽云耳其新續草譜詳細開載年庚生卒遷徙墓塋挨序鴈行不致舛錯紊亂

一明季編立百字歌一世一字遞相傳紹雖異地遼闊歷年久遠者問及字行秩序昭然其百字歌曰天地君親德山河日月遙生身枝與



葉譜牒識根苗韓何允易姓廬江郡望高氏族由勅定海內鮮同曹  
於潛騰啟跡裂土牧亭侯楮木英胥宇來瀆建祖勞侍郎顯東晉廟  
封逮宋朝文昌綿福祉環派續編饒慶衍殊居徙家乘會本標周流  
循百字萬世永輪交

一立嗣乃人倫之大綱按律例異姓不許入宗故立繼先盡同父周親  
次及堂從又次及再從皆書曰繼此定法也前譜於討子概不許錄  
惟外甥入紹母舅者或間有之至姪孫陟而爲伯叔祖後及弟而爲  
兄後者更于倫理不順責令改歸本系另行詳定斯爲允洽

一嫁娶爲人道之大經夫婦正始顧不重歟本宗凡字女婚男雖不能  
盡擇縉紳大家然亦必查其先世根由門當戶對方可締盟不可貪  
財圖便與卑污苟賤輩妄結婚媾以玷門楣如不遵例定行公削



一妻妾名分不容攙越經曰無以妾爲妻此明訓也傳中于正聘則書娶某氏再三正聘者加續娶以別之非正聘而娶則書續某氏若奔則書妾某氏或書側室某氏或書副室某氏亦不得以續加之所以正名分也

一婦人從一而終原無再醮之理或其中有出於此者於本家之義已絕但天下無無母之子存其娶不紀其姓但書娶氏二字可也亦有子孫式微姓氏無考不因再醮者然舊譜不載茲令各支下熟悉之人於娶氏下書考終二字以別之

一嫡庶名分經史最嚴妻出之子則書嫡妾出之子則書庶故仕宦蔭襲不論年之長幼祇以嫡子承籍如無嫡子方許庶長承之譜內士序鴈行亦遵此例



一昭穆之叙此作譜之定法也然昭穆必由年齒以定其間或有人亡世遠子孫失學莫能記載者此固出於無可如何姑附缺年命之列外此又有報名之家誠恐費繁秉筆之人徒求省字以致不肯詳註朦朧開列至使長幼莫辨次第難分雖原其情罪有攸屬但既經載筆仍應細加詳審方爲吾盡吾心否則老吏抄書全無實意焉用此依樣葫蘆也

一凡墓塋遷徙尤爲緊要今日詳記傳中後世子孫以資查考凡屬支下任事之人各加意詳覈備細載入庶無貽悔

一古今節婦烈女或載於志或列於傳皆所以重名節扶綱常也故本宗婦女有操同栢舟矢志不二者俱於家牒中特筆書之婦則以嘉言著於其夫之下女則以訟詞揚於其父之下以爲後世獎勸云



一所建立家廟將以闡孝思於勿忘祈靈爽之感應故各宅廟志率集而梓之獨文昌根源之地必圖其廟貌疆界仍附以記所以志原委杜侵損永血食於無窮也

一各里居及古所編宅於各傳下並皆詳載無遺尤恐倉猝間不便查考茲特集錄萃爲一章弁於簡首名曰里居考俾披閱之易易云

一墓塋所在各傳已悉詳備第上世遠祖所厝域異途遙祭掃不及者復細列條欵彙爲一章誌其地書其向限其界名之曰墓塋志俾子孫閱而易曉亦望雲興思意也後或經商出仕其地得見恢復之功亦無忝所生矣

一各州郡古之同姓聞人達宦先世雖未及載明支派然皆爲安王子允公裔也悉照原本另集一策以脩查核



一本宗累朝文武爵品悉皆忠貞勲烈篤柴靖共之臣故  
綸音寵錫惟吾族爲最盛奈屢遭兵火之難半屬煨燼所存列於譜者千  
百中僅什一耳良可慨也至若潛齋公易經衍義大學圖說中庸致  
用註解地理奇書外盤羅經解及詩文著作皆闡明先賢未發之蘊  
厥後又有鐵牛翁詩集上載神乩爲序之異及裕齋公之池陽遺愛  
集一齋公之家規等書俱纂成專集藏板俱在不必重梓入卷

一僧尼道士及無爲等教之流滅性絕祀而背宗親是無父也惑世誣  
民以逃租賦是無君也此名教所不容聖賢所深闢者本宗男女有  
一于此概不入譜

一譜中原有黑印公削者乃其人德行有虧又或來歷不明謹遵前例  
概不列入



一古今修譜後裔有功宗祖者各采其名諱著作歲月萃爲一章將以彰其仁孝之思繼述之善且以勉夫後之有志繼緒者觀感而興起云

一譜牒爲宗器之一規制恢宏重大宜加珍藏止于每歲臘月大祭時陳之祖前照號查明以杜竊賣之弊不可污穢朽爛如不遵例定以不孝治罪


一崇家長一門有一門之長一族有一族之長門長表率乎一門族長表率乎一族故必四維克張五倫無愧齒德兼優之人鄉之紳士公舉於祠上以對祖先下以式子弟若敗常亂俗一切殘疾廢獨皆棄絕於天者也不得徒以齒舉而瀆鉅典

一頒給宗譜圖首皆有彝倫堂刊給條印每部又鈐鳳山何氏公運公



派譜圖記以辨真僞

一遭粵匪被擄至今俱未歸者未知存亡概作故丁論于生辰下加被擄未歸以別之









康熙丙申各宅領譜名目列後

計開

餘子宅

鳳山祠譜一部

憫公下珍藏

璣公下譜一部

垓公下譜一部

登公下譜一部

瑤公下譜一部

祝公下譜一部

坤公下譜一部

庭芝宅

啟陽公號





忻都公下譜一部

寶漢公下譜一部

曹山斌公下譜一部

寶星公下譜一部

寶珏公下譜一部 繳驗

會公下譜一部


炤之宅

唐白口逢源公下譜一部

叔範宅

漠川記公下譜一部 繳驗仍領去

賓鹿公下譜一部 丁未回祿





三路顯公下譜一部 繳驗仍領去

吉甫宅

周銘公下譜一部 爾洽珍藏

麟 公下譜一部


燻 公下譜一部 繳驗

致和堂譜一部

爾良公下譜一部 乾隆辛卯續修宗譜增收折開眾還新譜一部

焜 公下譜一部

肩麟公下譜一部





乾隆壬辰各宅領譜名目列後

計開

餘子宅共譜七部

鳳山祠譜一部

族長 達勝珍藏

瑤公 璣公

下合譜一部 鼎元 上玉珍藏

璣公下譜一部

鑰 珍藏

祝公下譜一部

志坤珍藏

垓公下譜一部

夢岐珍藏


坤公下譜一部

爾沅珍藏

古爛公下譜一部

鈺 珍藏

庭芝宅共譜六部





驥公 端公 下合譜一部 璇趾 士義 珍藏

潤公 怡公 下合譜一部 珍 廷貴 廊 珍藏

古恬公下譜一部 裕 煬 孝修 珍藏

權公下譜一部

瓊公 玘公 下合譜一部 以泮珍藏

曹山斌公下譜一部 繳驗仍領去

炤之宅共譜二部

塘白口逢源公下譜一部 繳驗仍領去

張前積慶堂合譜一部 繳驗仍領去

夢材宅譜一部 懋章珍藏 繳驗仍領去

應高宅共譜四部





卯里嚴漢公下譜一部

繳驗仍領去

一部

一二三本  
文明家

據稱回祿

西坑祖惠公下譜二部

一部

繳驗仍領去

一部

據稱回祿

叔範宅共譜五部

以矩公下譜一部

折改

以準公下譜一部

繳驗仍領去

漢川記公下譜一部

繳驗仍領去

前房公望公下譜一部

繳驗仍領去

漆屋下文紹公下譜一部

據稱回祿


吉甫宅共譜十一部

紹倫公下譜一部

繳驗仍領去

紹彞公下譜一部

繳驗仍領去





紹惠公下譜一部 繳驗仍領去

肩麟公下譜一部 繳驗仍領去

肩驥公下譜一部 繳驗仍領去

國禎公下譜一部 崇中珍藏

國順公下譜一部

致和堂譜一部 繳驗仍領去

越山公下譜一部 繳驗仍領去

附集領譜開後

子仲公下共譜三部

團上譜一部 繳驗仍領去

柵源譜一部 梅源譜一部





球公  
仲弓公

下合譜一部

道光乙酉各宅領譜名目列后

計開

餘子宅共領譜十部

鳳山祠堂譜一部

族長珍藏

瑤公下譜一部

璣公下譜一部


璣公下譜一部

祝公下譜一部

燭公下譜一部

恒言公下譜一部

時征珍藏





恒佑公下譜一部 汝瓊珍藏

豹公下領譜一部

啟陽公下譜一部 之綠珍藏

繳驗頗全加增續仍領去 鳳儀珍藏


啟諫公下譜一部 祀珍藏

幼道宅領譜一部

子仲宅

柵源譜一部

梅源譜一部





光緒丁丑各宅領譜名目列后

計開

餘子宅 共譜五部

鳳山祠堂譜一部

族長 春喜珍藏

思間公下譜一部

啟福珍藏

垓 公下合譜一部

支長 大田珍藏

坤 公下合譜一部

支長 國聚珍藏

豹公下少譜一部世集再領

啟陽公下譜一部

鳳儀珍藏


幼道宅 共譜二部

幼道宅合領譜一部

族長 光榮珍藏

五孫公下譜一部

桂喜珍藏






子仲宅

柵源逢祝  
梅峰逢元


二公下合譜一部

月友  
煥章

珍藏







卷之四  
鳳山仙史



歷代修譜題名錄

計開

西晉太康五年甲辰尚書祠部郎何文縱偕侍中何劭奉勅奏進譜  
狀聖旨命司空司隸校尉崔琳修於秘閣品列何氏爲四海大姓崔  
琳奏准序文勅題曰氏族志

隋大業十三年丁丑又奉詔修之始定四海二十五大姓爲國之梁  
柱許通婚媾

唐貞觀六年壬辰奉勅修於河西郡公溫彥博中書令尹文忠勅改  
氏族志爲姓氏錄

武后通天元年丙申奉勅修於秘閣汪行忠製序聖旨頒降玉璽印  
記迨後有本郡太守何職方取閱不還賴族中何世則如式抄錄一



本釘縫皆鈐有清安縣印自太古起至何碧源一一詳明吁微世則之功則茫然無考矣

宋哲宗元祐七年壬申二月耀光公續修自允公起至公運公會其書亦有何職方借去璽本不還之辭信不誣矣

宋至元戊子修於探花夢桂公自製譜序編立宅各至今支派不紊者公之力也進士蔣世珍序

元修於若水真人何清之繼述支圖

又景堯應元仲仁同會查考各家老譜始知伍公生娶行實葬地

明洪武戊申修於司訓敬德公自爲序

永樂癸未修於文林郎憲章公祭酒張顯宗序

永樂戊戌修於太守散善公羊城羅廸跋併自爲後序

宣德丙午修於司務富中公



正統丙辰修於大學士敬公翰林康振序

正統辛酉上舍士貞公繼作摘枝譜錦溪鄉進士洪弼跋

正統壬戌又繼修於庠彥宗宏公吏部主事周瑄序跋

景泰壬申修於同知上貢公三元宰相商輅序

成化丙戌修於吏部中郎禮公自爲後序

成化間又修於按察使漕公

宏治壬子修於義士文選公冠帶叔皓公尙書胡拱辰序

正德間修於少參陞公冢嗣閭公

嘉靖壬午修於太參紹正公狀元宰相謝遷序訓導何奎跋

崇禎己卯修於文昌族眾何圖之進等

大清康熙丙申續於耀卿公下族眾何爾洽等庠生何儁跋





乾隆辛卯續於耀卿公下族眾何彩羽等歲貢何越跋

道光乙酉修於耀卿公下餘子宅族眾郡庠生何祀等并跋

道光間修於四川兵備道何咸宜

同治間重修於耀卿公下餘子宅庠貢生元瑞公

光緒丁丑續修於裔孫鳳儀等知縣王紹庭序自製<sup>為</sup>粵匪紀畧并跋

光緒丁丑續修於裔孫鳳儀等知縣王紹庭序自製粵匪紀畧并跋


光緒丁丑續修於裔孫鳳儀等知縣王紹庭序自製粵匪紀畧并跋

光緒丁丑續修於裔孫鳳儀等知縣王紹庭序自製粵匪紀畧并跋

光緒丁丑續修於裔孫鳳儀等知縣王紹庭序自製粵匪紀畧并跋

光緒丁丑續修於裔孫鳳儀等知縣王紹庭序自製粵匪紀畧并跋

光緒丁丑續修於裔孫鳳儀等知縣王紹庭序自製粵匪紀畧并跋





歷代勅修原委錄

西晉詔定四海大姓氏族志

太康五年正月十三日二龍見武庫井中帝大喜悅是夕夢神人共語

法令自謂先世名賢帝驚悟感動明日勅司空司隸校尉崔琳更集

九州百郡仕貴仰各贖先世譜狀投上秘閣品爲四海大姓毋容非

類接枝粘葉如有犯者削譜

太康五年正月 日勅付

西晉投進何氏家譜狀

尙書祠部郎先安吉縣令何文縱侍中何劭等進狀

右某等恭觀

朝旨應在廷臣僚四海望族合行條具先世名公鉅卿爲官得姓之由



各宜採摭來

上俾下有司輯成家譜以傳將來某等謹畫一具錄於前隨狀進投秘

閣修撰伏乞詳 審纂輯成書行下照應施行

伏候

鈞旨

太康六年乙巳二月 日尚書祠部郎先安吉縣令何文縱


侍中何劭狀

司空司隸校尉崔琳等奏表

太康五年正月十四日奉

勅更集九州百翫仕貴仰各賈先世譜狀投上

秘閣品為四海大姓於是尚書祠部郎先安吉縣令何文縱侍中何劭





等言琳等千載有幸值

陛下平弭吳蜀天下同一衣冠靡然百姓更蘇四海忻躍

琳

雖寒微忝

與限官謹賫先代名宦年月投上

秘閣冀同流例用不勝戰灼臣

琳

等頓首伏罪表

聞奉

聖旨勅付司空司隸校尉崔

琳

依奏修撰

崔琳再奏

臣琳等奉

旨繙讀何氏家譜乃承周武王之裔緒唐叔虞之嫡胤也所觀五經子  
史及周秦漢魏以來清臣不絕並有名狀遂用品量何氏以爲四海  
大姓著於令錄臣琳恭遇



大晉啟祐刪定仕流四海咸忻萬邦同悅若墮而不記歷代無聞倘絕根  
 由後生奚續但琳不揣庸昧輒措斯心撰錄古文輯為機要以示子  
 孫鑑之亦云易矣臣琳稽首頓首謹奏

太康七年丙午四月 日

司空司隸校尉崔琳謹奏

西晉司空司隸校尉崔琳奏進何氏譜序

臣琳原洪荒未判之初名為混沌混沌而後各為太一太一而後為

太始太始而後為太初太初而後為太極太極而後為太素太素而

後為開闢開闢而後為天地始立之時天地肇分謂之兩儀兩儀者

清上陽明為天日月星辰之象著焉濁下陰疑為地山川邱陵之形

聚焉由是清之氣分毓而為五行之秀而人道生焉故清而上者為

聖賢濁而下者為凡庶其為人稟四大之形受五常之性者情也



有情然後有命而男女分焉既有男女則有父子有父子則有兄弟  
有兄弟則有朋友有朋友而尊卑之序定矣於是有君臣則有爵祿  
有爵祿則有封邑有封邑則有謚號有謚號則有茅土有茅土則有  
家族有家族而後有昭穆不可得而紊也故春秋傳曰同姓從宗以  
合族屬天子建國賜姓命氏是以諸侯受命者氏族之別名姓者所  
以統百世則有譜譜者補也鄭元曰譜之于家若網之在綱有條而  
不紊統緒相連百裔歸於一祖本枝益茂千葉同乎一根或負薪荷  
耒於田野之間或鳴金戛玉於縉紳之右要之貧賤富貴之分雖曰  
有間然聯芳續譜之義終不可得而泯也分之六代謂之族原祖則  
同謂之宗者是也臣恭惟

皇帝陛下應天順人創業垂統華夷混一吳蜀蕩平君臣相須閎闕相尚



臣謹奉勅

旨俾臣權修譜事臣觀在廷羣臣所進先世名賢事跡獨何氏家傳其先本姬姓唐叔虞之適胤周武王之裔緒實王室之貴胄也至九世孫萬以子爵分封韓原因以韓爲姓諡曰武爲韓武子下至景侯虔受王命爲諸侯十二世孫安王爲秦所滅嫡子允變姓逃難以其初生有文在手曰何因以爲姓焉自後更歷漢魏以來各公鉅卿代不乏人與夫當世縉紳之士或身居輔弼或職居清要衣冠藹然亦爲盛矣至若士林擢秀儒學蜚聲迹遠遁于山林身躬耕于隴畝怡情典索玩志篇章盡忠死節而志靖邊方見危授命而思安王室孤忠貫日壯氣凌雲凡有行之可書豈容私而弗錄得使高風播於萬古美譽藹於千秋派胄增輝源流可考

臣謹誠惶誠恐稽首頓首謹叙



以

聞下情無任激切屏營之至

太康八年丁酉七月

日司空司隸校尉崔琳謹序

琳謹序

隋大業十三年丁丑詔修定族譜

大姓世胄為國之梁柱凡二十五姓合通婚媾

武陽李

河間劉

隴西牛

并州郭

上黨陳

安定皇甫

鴈門邵

中山鮑

河西任

滎陽鄭

已上二十姓為國之柱

陳留王

廬江何

武陽賈

天水蒙

白水張

京兆杜

梁山姬

宏農楊

扶風馬

高陽許


河內葛

河西龐

馮翊趙

汝陽桑

滎陽毛





已上一十五姓爲國之梁

四海九州八十五郡合一百九十八姓許通婚媾別有二千三百雜姓史籍所不載或非類買譜接枝雖有正譜亦不許通婚媾如有犯者削譜左光祿大夫中書許國公高士廉等奉

勅旨四海大姓惟有二十五姓與諸姓不同婚媾其譜系相承不虛乃可結婚今詳定事意件錄如前奉

聖旨依奏

### 修定氏族志

大唐貞觀六年壬辰五月十四日奉 太宗時

勅修譜量定天下氏族條例事意件錄如前中書令河西郡公 臣溫彥

博守中書令 臣尹文憲等奉



聖旨依記天下同定者

此段係茂公親筆  
記重見岳公傳

唐顯慶四年己未詔改氏族志爲姓氏錄時許敬宗等以其不叙武氏本望奏請改之以武氏爲第一初太宗時以四海大姓往往自矜門第旣修氏族志例降一等王妃主壻皆取勲臣家然而魏徵房元齡李勣等諸大臣家皆得與爲婚媾舊望不減於昔焉

唐秘書省牒

證會貞觀六年奉

勅准西晉太康八年七月內應在廷臣僚所進先世名公事跡叙成家譜各錄二本一本繳進

神都一本家藏俟後修營歷代延遠苟茲錯謬昭穆難分或推年世俱長公叔爲弟兄之列孫姪混禰祖之行若非補治後生奚序鴈行烏



哺猶識尊卑而況於人詎可竟忘其序暨受姓之原乎今據某等投

進家狀乞照西晉太康中條例撰集成書用昭厥後以今

萬歲通天元年三月謹依舊本校勘繕寫進呈乞行頒降庶使木從繩直  
水逐器圓家家興雍睦之風人人習過庭之訓流傳後代昭示當時  
須至牒者謹牒



唐汪秘書奉勅進撰何氏譜序

臣行忠竊惟斷鼈立極以還鹿野之遺風淩易三才之位既奠五常之道始彰陰陽垂萬象之形清濁運四時之氣遂乃皇王啟運茅土分封五服于是漸興九族由茲旣睦若何氏之先原本姬姓唐叔虞之後叔虞爲成王同母弟實武王之嫡胤周室之貴胄也至九世萬以子爵受封韓原遂以韓爲姓至景侯虔受王命爲韓侯又十一世而爲強秦所并除其國而置潁川郡有韓王之子允者乃易姓遁身以避秦難因改其姓爲何氏焉自是而後或因官不返或適志忘歸佩印綬而出朝廷跨江淮而遷桑梓掛冠南北羈宦東西九州固磐石之宗四海衍同源之派若非纂輯焉究源流證得何氏實晉武帝夢與神語自謂先世名賢于是勅司空司隸校尉崔琳更集九州百



郡仕貴各賚先世譜牒投上秘閣品爲四海大姓當時某等首賚先  
代各宦年月投進乞賜詳定施行撰集卷帖已畢臣行忠等昨奉貞  
觀六年勅旨俾臣品量何氏大姓臣行忠等奉勅旨專一繙繹校勘  
証諸經史無所差誤臣等纂輯既定繕寫進呈乞行頒降臣等誠惶  
誠恐稽首頓首謹叙

通天元年丙申三月 日謹奏

朝奉大夫行秘書正事臣汪行忠謹叙



何氏郡望考

上望 廬江郡

中望 陳留郡

三望 東海郡

里居考

穎川 韓王安嫡子允公避秦亂易姓爲何始祖世居穎川

扶風 修公居雍州扶風郡茂陵邑安都鄉開陽里

廬州 嘉公由穎川出守廬州居廬江灊縣新都鄉永貴里石塘村

後卽爲廬江郡

牧亭 騰公爲武陵太守轉下邳太守見中原多故乃避地渡江至

於潛之受記鄉牧亭村居焉後卽詔封牧亭侯食邑其地





楮樹 瑛公任睦州刺史食邑分水遂擇居於今之生仙鄉楮樹村

文昌 文建公由楮樹過塔嶺遷居於淳安東安樂鄉富昌宋咸淳

間賜改富昌為文昌

何氏派居 自騰公於中平元年甲子過江之後分派所居三十三邨

牧亭 楮樹 文昌 塔嶺 九里 湯煜 畢裏

浮溪 潭頭 鵠村 叫口 爛石 曷口 版甌


壁縱 何村 溪西 肩頭 建德 江外 俺裡

潘口 白山 杉村 盛村 歙縣 在城上路 泉水 今遷聚塘府城居

宣城 黃社 嘍口 桐塢 司徒 涌口

續增

石塘 在建德五都不傳 曹山 文昌上村分派 南塘 即富錫曹山轉遷 瑤山 文昌下村贅居 楮木 瑛公祖基文昌





下村復

安仁站

建德前

洋塘

在十二都文

烏沙

茶園對河

蓮塘崗

在蘭溪文

昌分

漠川

文昌上

嘉靖時輯譜續增

程頭

烏龍

芝塢

建德

仁壽

淳安三


乾隆辛卯輯譜續增

卯里

文昌上

西坑

昌化八都









宅派考

前譜云古有三十宅後修二十六宅崇禎會修十二宅康熙分集卿  
公下得七宅乾隆續修增應高宅爲八宅我鳳山道光乙酉續修三  
宅今光緒丁丑續修尙未增加伏查歷來編派刪改錯亂殊多牽附  
茲族中借閱文昌因聘公草譜所編三十宅派次第秩然有條不紊  
謹依刊載庶足昭示疑信云至炤之宅應列提舉宅之後依咸宜據  
潛齋公文集更正也按集載先叔何養正朝奉墓誌云公姓何諱頤  
字養正昆弟四人實出異母公最少子夢杓孫炤之灼之則頤公實  
係振公四子世系鴈行悉應改正

一蓮湖宅 卿公長孫公運公下長派大房冢支八世孫千二公官司  
務出守金華子景森宋省元孫第三曰曾九遷蓮塘卽地以名宅也



先後譜載又云千二公任滿遂籍居蘭陵之蓮塘岡

因聘按其世次年號未定查舊譜中

且有將璣公子孫曾八仍十二等夾入環公下派又添千一公之不同者緣地隔數百里世隔數百年無可徵信必須參核金郡蘭邑志乘考其年歷職名再璣公派屬何在今當闕疑懸俟之

一 餘子宅 鄉公長孫公運公長派大房二支九世孫景轟之中子諱

餘子即立為宅名也自餘子公由文昌上邨遷居潭頭鳳山下成族

建祠匾曰藝倫堂

一 幼道宅 鄉公長孫公運公長派下二房七世孫樞公次子諱雲龍

立名幼道為宅舊譜傳四世而止其兄千九生子景全古譜註遷太

平高山

因聘按崇禎間添出太平鄉未知本邑之太平鄉或別處之太平府縣等乾隆間竟以徽歙之太平鄉為是究未可定明譜又有註景全

之孫成遷者道光乙酉續譜再以徽歙之太平地各高山增續

一 伯大宅 鄉公長孫公運公次派下長房七世孫諱槐子各俊龍取



名伯大宅舊譜于派下傳四世而止

一仁禮宅 卿公長孫公運公次派下二房七世孫諱椿取名仁禮宅

生三子長士龍舊譜傳四世而止次應龍子景陽居杭州三子友龍之七世孫旻德遷居柵源汪坂

一應魁宅 卿公次孫公澤公長派大房冢支七世孫夢錫公長子諱

庭魁立宅名爲應魁舊譜傳四世無續

一庭芝宅 卿公次孫公澤公長派大房二支七世孫夢錫公次子諱

庭芝卽以爲宅名公之曾祖遵自文昌上村徙居曹山至曾孫諱賢

字伯清轉遷南塘又稱富錫分門蕃衍成族立祠扁曰振倫堂又曹山

庭芝公七世孫德輝子永忠贅居茶鎮對河烏沙埠今亦立祠祀

一華旻宅 卿公次孫公澤公下長派中房一支長八世孫夢松舊名



元八立宅爲華旻古譜僅傳五世而已

一夢楫宅

卿公次孫公澤公下長派中房一支次八世孫諱夢楫卽以諱爲宅名也崇禎間失載舊譜傳七世後未續

一夢材宅


卿公次孫公澤公下長派中房二支八世孫諱夢材卽以爲宅名世居文昌奉祀事于繼善堂內六世孫景芳抱塔嶺方甥諱鑑爲嗣其兄弟景侔景柔景疇景隆及景確景續景將景仍景德等俱不能續今所傳者景芳之紹派耳

一提舉宅

卿公次孫公澤公下長派中房三支八世孫諱夢桂公徵提舉卽以職銜爲宅名也同弟應祖居文昌者今不能續惟應祖十世孫益進贅居清平鄉查嶺尙可延衍

一炤之宅

卿公次孫公澤公下長派中房四支八世孫夢杓公子諱





炤之卽以爲宅名世居文昌內四世愛同在水碓後又資政遷張京  
塢口庄前六世逢原又由文昌遷柵源塘白口其先皆以積慶堂奉  
祀

一清叟宅 卿公次孫公澤公下長派小房一支八世孫應奎之子諱  
涯字清叟卽以爲宅名舊譜傳三世卽不續

一南軒宅 卿公次孫公澤公下長派小房二支九世孫諱泗之子諱  
崇字南軒卽以爲宅名舊譜崇傳卽不續

一應高宅 卿公次孫公澤公下二派大房一支八世孫應高卽以諱  
爲宅名也生二子清之名甲舊本傳二世止沂之名科傳二世有仲  
庸居邨里子孫居夢真公墓前

此因聘公遵康熙譜註也乾隆譜云四世  
孫思道生四子第三子嚴英之子祖惠遷

昌化入都  
西坑居焉



一叔範宅

卿公次孫公澤公下二派大房三支八世孫應全之子諱

叔範卽以爲宅名其弟應星之子叔芳亦隸此宅世居文昌今全公

派已式微惟星公下長派八世孫閻遷何坂頭建流光堂以奉祀事

餘皆上村住前房又漆屋下後有郁公派下名同經同度遷酬源四

世而止望公派下文襄居下吳文漢遷豐源庸公派下六世有沙堤

紹入方惟進

何雲祿子

其子孫遷三路富錫不等安公下長子五代

孫之權遷塘邊住今無考三子諱颯遷漠川立祠扁曰世美堂又星

公下次派八世孫輓等徙徐坂住立有培德堂

一賢叟宅下卿公次孫公澤公下二派大房四支八世孫應實立宅名

爲賢叟舊譜止傳三世後天啟三年得於潛宗家諱大潮者持來彼

地所遷總譜云實有二子深之松之深生斗元斗元生四子曰良信



明廉由富昌遷於潛杉村尙有子孫

一吉甫宅 卿公次孫公澤公下二派小房長一支八世孫應炎之子  
諱濟之字吉甫卽以名宅也分二派道宣公下一建性初堂總祠又  
建榮親堂乃四世繼孫賜公所祀道敏公下一建留慶堂紹正公所  
祀一任下龍田建紹大公所祀又明時致廣致信致滿公紹明公俱  
遷家西之富有村任滿公建致和堂在焉

一應麟宅 卿公次孫公澤公下二派小房長一支八世孫諱應麟卽  
爲宅名舊本傳二世止

一雲龍宅 卿公次孫公澤公下二派小房次一支八世孫應龍以弟  
諱雲龍立爲宅名也舊本傳四世止

一應芳宅 卿公次孫公澤公下二派小房次一支八世孫應芳卽以



為宅名崇禎間失載古譜中傳四世而止

一開秀宅

卿公次孫公澤公下二派小房末一支八世孫仲龍取名

為開秀宅崇禎間失載古譜中仲龍之伯諱申生三子曰廿四曰洙

曰孟龍亦隸于開秀宅並遷無錫任本支有諱招三居下潘傳三世

即不續

一何周宅

光公長孫公會公下長派大房一支八世孫蘭孫幼名周

即併姓為此宅名第誠孫亦隸焉同建郡司府第扁曰敬愛堂蘭之

次孫伯勉遷分水縣七管

古譜註此未落地名今闕存之

三孫伯惠居舊址傳四世


長元孫周尙徙居十二都洋塘另建祠曰敬愛堂三元孫曾元遷居

富陽縣胡源港惟四元孫真生任本族後至誠之長子君亮元時贅

居分水生仙鄉次曾孫僧寶字彥祥遷金華

未註地所只闕存之

三曾孫勝四





徙居四管塘源又誠之次子君輔生伯濟居錄坑次伯明賢居楮樹村明子諱瑩字希魯復任楮樹村鳳凰山下奉祠祀亦曰敬愛堂

一士芳宅 光公長孫公會公下長派大房一支九世孫諱士芳即立

為宅名舊譜只傳三世至天啟癸亥得於潛古本查知日宏生睦龍

睦龍生景孫

乾隆譜寫為景傳存疑

景生芳芳生伯友遷居宜興

今依前譜不加增揖

一聯夫宅 光公長孫公會公下長派二房長支八世孫繩孫字聯夫

即為宅名後十二世孫諱克恭字敬德任分水司訓修輯宗譜十三

世孫官司務諱富中皆世居文昌前譜又云友端

係富中嫡姪

居本邑麤

龍源

一何惠宅 光公長孫公會公下長派二房次支六世孫夢極

此惠字疑係原

諱併姓稱為何惠宅舊傳五世而止



一伯良宅 光公長孫公會公下次派大房一支七世孫諱攀龍以字

取此宅名舊本只載四世後得於潛古譜謂攀龍三子萬三三三三景星

星遷福建泉州三三生士丁丁生慶六六生福三遷於潛浮溪

一子遇宅 光公長孫公會公下次派大房二支七世孫會龍之字即

立為宅名世居鵝馬第花屋至四世孫友諒於明時贅居本邑九都

雲峯山下諒之孫有諱銓者又徙瑤山下居焉今丁蕃族大人望輩

出立祠奉祀扁曰大本堂

一承直宅 光公長孫公會公下次派大房三支八世孫諱景文

衛龍次子

宋咸清乙丑進士官承直郎即以名宅舊譜傳三世而止後查於潛

譜載衛龍生三子景堯景文景武堯生士器七生翼子翼生京賜由

文昌復徙牧亭之獨角山揚家邨居焉



一南一宅

光公長孫公會公下次派二房七世孫諱震龍


係操公次子攀龍之

弟繼日嚴為嗣

原居花屋其孫仕誼于元時遷建德縣安仁砧有二子長伯

如徙上舍次伯寬徙前陵

今遵古譜闕文不加增揖







映到王舍人印文勢顯刻

文不賦賦附

顯顯顯

現錄於其後出篇于永神數數錄

一南一北 光公身後亦會公平此所...



職官考

允公 韓陳留侯

隲信公 漢舉孝廉官至河東守

修公 漢官博士員外郎拜治粟都尉賜爵左庶長食邑八千戶

成公 漢膠東相

果公 漢太中大夫封平陽侯食邑萬戶

比干公 漢官廷尉遷丹陽都尉

欣公 漢御史大夫

壽公 漢蜀都太守由廷尉為大司農

嘉公 漢廬江長史

顯公 漢京輔都尉





鄢公 漢光祿大夫

寵公 漢濟南都尉

敞公 漢官侍御史拜尚書出爲濟南太傅遷汝南太守復徵三

遷五官中郎將

偉公 漢青州刺史

韶公 漢拜議郎累官至威遠將軍河南尹


斌公 漢河間太守拜車騎將軍封關內侯

騰公 漢封牧亭侯食邑二千五百戶

鎮公 漢襲封牧亭侯食邑一千戶

瑛公 三國孫吳拜九真太守賜紫金魚袋

文縱公 晉尚書祠部郎前安吉縣令





文建公 晉吏部侍郎宋紹定五年封昭利侯咸淳二年加封靈順

侯

涓公 晉廬州太守賜紫金魚袋食邑三百戶宋追封惠濟侯加

封顯聰侯

熙公 晉官給事中

的公 晉官軍司馬遷衡陽太守


玉真公 晉左中郎將

妥公 梁著作郎知秘書監事

岳公 梁錢塘丞

瑤公字元瑜 文縱公會孫仕宋為清望主簿累官至大中大夫

慧萬公 宋南陽太守





子餘公 唐散騎都尉

思抱公 唐寶應軍使

景希公 唐徵事郎

旻公 後梁戶部度支郎中

彥胡公 後唐大理評事

鑄公 宋檢閱


鳳公 宋檢討

瓘公 宋翰林檢討

日章公 宋嘉熙庚子鄉薦郡馬

日宏公 宋嘉熙庚子鄉薦

千乙公 宋知鄂州改知婺州





千二公 宋湖廣提舉司

夢桂公 宋咸淳乙丑廷試第三名賜狀元及第除太常博士擢監

察御史轉太府卿遷大理卿

應高公 宋鄉薦

應全公 宋貢元

應星公 宋嘉熙庚子經魁


應賓公 宋貢元

應炎公 宋端平甲午鄉薦

景森公 宋檢討

景轟公 宋鄉舉山長

熹之公 宋學正





鳳山何氏家譜  
卷之四  
燾之公 宋山長

景文公 宋咸淳乙丑進士授合肥簿遷監行在文思院

景陽公 宋翰林編校郎

煥公 字栢文 元己巳科進士授登仕郎

坦公 元徽州府教授

天麟公 元教授


垣公 元廸功郎

斗元公 元浙江省元

選公 元遂安教諭

汝玉公 元蘭溪州教諭

閏公 元運糧總管





致中公 明淮安倉大使

鐵閭公 明當塗縣令

榮善公 明陳州知州

敵善公 明南安府知府

道宣公 明勅贈文林郎

昭善公 明洪武甲戌舉孝廉奉新縣令

友諒公 明授兵杖局大使改四川府屬將仕郎

資有公 明稅課司

本固公 明雲南布政司照磨

上貢公 明宣德壬子歲貢泰安州同知

齊公 明順天府知事





貫斗公 明勅賜義士

敬德公 明分水訓導

俊德公 明大名府判官

公郁公 明勅贈徵仕郎戶科給事中

宗序公 明勅封承德郎南京吏部考功清吏司主事

環公 明正統丙寅歲貢池州建德縣令


起中公 明宣德丁未歲貢香山縣令

陞公 明宣德己酉舉人正統戊辰進士戶科給事中河南參議

致廣公 明勅封主事

禮公 明正統甲子舉人天順丁丑進士南京吏部考功清吏司

主事兵部職方司郎中誥封奉政大夫





璇公 明正統辛酉亞魁工部屯田司主事

同昌公 明勅贈文林郎山東道監察御史

富中公 明永樂辛卯歲貢兵部司務

溥公 明羅田縣丞

澄公 明天順癸未年例貢枝江縣令

涓公 明景泰丙子經魁成化丙戌進士山東道監察御史貴州


按察司副使湖廣按察司

光公 明奉新縣丞

義陽公 明貢入太學授文林郎

紹正公 明宏治戊午經魁壬戌進士吏科給事中池州府知府江

西布政司參政特進太中大夫





瑤公 明廣東高州府化州吳川縣司訓

奎公 明正德癸酉歲貢應天府訓導

祝公 明恩賜義士

瓚公 明醴陵縣尹

楷公 明成化戊子舉人

琰公 明正德庚辰歲貢潁州訓導

本道公 明南安縣康店駙宰

同道公 明嘉靖歲貢

同儀公 明嘉靖歲貢

明輔公 明萬曆壬午歲貢尋甸府教授

愈倫公 明涇縣巡檢





愈位公 明永安縣巡檢

之綸公 明鴻臚寺序班

士錦公 順治己丑進士豐城縣令遷行人司行人

國順公 順治甲午恩貢

爾魁公 康熙乙丑歲貢

天彰公 康熙壬申貢元

穎公 康熙壬申歲貢

元選公 考授廸功郎

漢臣公 欽賜議敘修職郎

燾公 賜封儒林郎

彩羽公 賜封奉直大夫





鳳山何氏家譜

應辰公 誥贈奉直大夫

應午公 乾隆壬辰議叙衛總司武信佐郎

士玠公 勅贈儒林郎

諡公 恩賜修職郎

榮祖公 恩賜修職郎

因聘公 庠貢翰林院待詔中書科中書


作霖公 乾隆壬午科舉人

越公 乾隆戊戌歲貢

純祐公 嘉慶辛酉由州同知加二級誥授奉直大夫

朋公 登仕佐郎

起元公 州同知儒林郎



鳳山何氏家譜



調元公 庠貢生

掄元公 衛總司武信佐郎

純祚公 庠貢州同知晉文林郎四川永寧縣知縣叙永直隸軍糧

府

彬公 嘉慶丙辰歲貢

其彪公 庠貢生

廷詰公 修職佐郎

廷英公 例貢生

其彰公 恩賜修職郎

春公 登仕佐郎

嶧公 道光丁亥議叙江寧府宣課司大使





秉禮公 衛總司武信佐郎

敦勤公 庠貢生

鐘煌公 登仕佐郎

姓公 布政司經歷儒林郎

赫公 增貢生

弼元公 州同知儒林郎


純祝公 庠貢州同知儒林郎

峻公 庠貢州同知儒林郎

嶙公 欽賜議叙紀錄一次布政司理問

育仁公 登仕佐郎

巘公 道光乙酉科拔貢陝西候補直隸分州即選知縣





咸宜公 道光壬午科優貢官至四川兵備道

保榮 四川候補知縣

鎮海 四川候補按經歷

錦春公 考授職員候補四川縣丞

國選公 例貢生

文煌公 誥贈州同知儒林郎


樹發公 例貢生

樹祥公 州同知儒林郎

銘詹公 州同知儒林郎

元瑞公 庠貢生

鳳儀 軍功儘先外委賞戴藍翎拔補衛總司武信佐郎





公 事 宜 上

公 事 宜 上

公 事 宜 上

公 事 宜 上

公 事 宜 上

公 事 宜 上

公 事 宜 上

公 事 宜 上

公 事 宜 上

公 事 宜 上

公 事 宜 上





歷代誥命

漢遷何敞公詔

詔侍中御史大夫臣何敞拜兵部尚書

奉

天承運

皇帝詔曰兵始黃帝列聖繼之所履前規制設兵曹責在尚書六師攸統  
百揆總司苟非其人奚堪重任具官何敞智識精深器宇寬宏負經  
綸參贊之才備濟世安民之畧特授爾敞爲兵部尚書欲爾仍前稱  
職修文偃武稟命三軍督率六師諸大將校帷幄護衛左右前後從  
戎籌策奏凱奇勲給餉之資功過之籌但有信賞明罰耳爾宜欽哉  
毋乏乃事





右如牒到奉行

誥命

建武二十二年三月十日奉六朝下



天系

表

建武二十二年三月十日奉六朝下

鳳山何氏家譜



漢何騰公封侯詔


詔下邳太守臣何騰授封牧亭侯食邑二千五百戶

奉

天承運

皇帝詔曰朕惟國政永賴賢良協相朝綱宜資俊彥欲稱厥職實難其人  
具官何騰天性忠直輔國元勳負任重致遠之才抱博古通今之學  
指陳讜論既有保安社稷之謨胥輔政途尤著經緯邦國之策似茲  
賢哲宜以褒崇故特封爾爲牧亭侯汝宜朝夕納誨夙夜惟寅感格  
天人當闡夷夔之禮樂克勤乃職允孚堯舜之君臣服此榮休毋替  
朕命故詔

右如牒到奉行









詔牧亭侯故臣何騰子臣何鎮授吳郡治中襲牧亭侯爵

奉


天承運

皇帝詔曰赫怒整旅豈以勝負而易其心素精折衝姑處根本而致其力  
舉朝不可惟卿何鎮才全文武操守貞堅贊畫從戎神機邁爽克征  
克討屢建成功一德同心君臣大義宜加爵襲可謂明矣特卽

詔爾何鎮襲爵牧亭郡侯欲爾仍前克纘厥功守土保民愈渴如心以副  
朕意

右如牒到奉行

興平二年五月六日 下





鳳山何瑛詩  
詔九真郡太守臣何瑛授劄

奉


天承運

皇帝詔曰朕惟隄邑藩籬舉衆大之辭名之者也風俗雜而獄市繁治稱  
浩擾吾今褒爲郡守急吏緩民甚有文理其僚庶思得敏才以攝盛  
治具官何瑛嘗使行河決川滌源衆上輓漕以通其精力幹用效在  
已試俾拜九真太守之政尙克在立郡邑翼翼四方是則無習苟且  
違道干譽則予一人汝嘉欽哉

右如牒到奉行

大元元年正月十八日

下





詔左臺監察御史臣何文建爲吏部左侍郎

奉

天承運

皇帝詔曰吏部亞尙書之位實掌銓衡國家選天下之賢當歸藻鑑既茲  
注委岡後褒揚具官文建賦性清剛見機明決烏府按六條之律六  
月霜飛鳳池典外制之文三春藻發其彈劾不避於權要其議論切  
中於事情茲誠耳目之司不負朕心之托是用超遷卽署俾貳天官  
人材與世道輕重相爲表裏選法係持衡高下倚賴公平往盡乃心  
毋替朕

命


右如牒到奉行





永寧元年七月三日

下





詔廬江太守何涓授劄職事

奉

天承運

皇帝詔曰朕望廬江之郡河岱之間沃野千里生齒億萬商農阜通儒仗  
雜居可以大度長者服難以細謹法吏治也具官何涓生于右族世  
爲名臣屢試有勞所見者大茲特

命爾涓守郡茲土昔曹參爲齊問治於師蓋公蓋公曰治道清靜而民  
自定汝宜懋哉以副朕意

右如牒到奉行

咸和二年六月四日

下









詔著作郎何妥知秘書監事

奉

天承運

皇帝詔曰秘書監道學蓬萊殆難其選宏文館天下魏科務在得人國家  
尚忠直之士朝廷需經濟之儒具官何妥胸羅萬卷詩書口誦千年  
今古文章超卓多色絲幼婦之辭翰墨飛香皆鐵畫銀鈎之筆貌謹  
懦而中膺烈外柔順而內文明庸升冊府之司允叶公朝之議於戲  
向來文館人以爲真學士焉今日  
殿廷可謂行秘書矣力行所學勿負朕知

右如牒到奉行

大通二年五月三日

下





鳳山御製詩 卷之四  
詔散騎都尉臣何子餘授雲南都督左營諸軍政事

奉


天承運

皇帝詔曰昔君王天下者惟在陳紀立綱施行當時取法後世所以爲王者也朕受

上天明命履前王之規發號施令但有賞善罰惡耳所以內置文臣外設武將各有所司守政要務不可一時缺官茲聞雲南都督左營缺員署事特調散騎都尉臣何子餘授

勅令符以掌兵戎欲爾夙夜勤勞偃武修文威鎮山河諸夷歸貢庶稱朕懷以彰卿德往宜懋哉故下

右如牒到奉行





長壽二年十一月十日

下

勅加戶部度支郎中臣何旻

奉


天承運

皇帝勅曰財賦大計一出於民取之寡則用不足然民逸取之多則用有  
餘然民困此理財之難者也具官何旻嘗以名正典郡風采奉使敏  
以爲政精於儉下所至而治有績可紀使之參計耗登贊畫籌策庶  
可以不傷財不害民乎汝往通會毋乏乃事

右如牒到奉行

貞明二年八月四日

下





鳳山何氏家譜  
卷之四  
詔明經科士臣何瓘特授翰林檢討

奉

天承運

皇帝詔曰朕惟翰苑清華之地禮遇尤隆文學侍從之臣論思攸繫顧惟  
茲選務得其人具選明經科士臣何瓘學問淵粹性稟純良有代言  
華國之才有論道經邦之器茲聞表譽屬在青宮學行載詢于今日  
謀猷奚愧于古人特擢爾瓘爲翰林檢討政事尙期恪恭乃職以增  
綸綍之光啟沃予心式表明良之會朕命惟允爾宜懋哉

右 如 牒 到 奉 行

寶祐元年九月十日

下





勅狀元何夢桂

皇帝詔曰竊惟入侍經筵必資博覽之佐出使藩臬宜簡碩德之臣苟非  
聞望素優曷得吏民帖服今科一甲進士何夢桂龍首高登蜚聲  
聳上鰲頭獨占鴻譽巍上特海內推尊抑亦

天朝倚重特委爾榮行頒朕簡命宣我威信俾國體之共尊振爾紀綱令  
君命其不褻如朕親臨爾其欽哉

咸清三年二月

下

勅御史何夢桂大學士

奉

天承運

皇帝詔曰昊天明命行正教於天下必得臣以輔之是以官守分職共熙



帝載惟卿何夢桂文謨武烈克邁於衆是以册卿爲學士其必忠信  
國家扶持社稷幸遇昌明之期遂荷鹽梅之寄進則論道經邦退則  
承流宣化惟往欽哉尙多受祉

咸淳三年六月 日

下

皇帝制曰臣以輔國爲忠婦以相夫爲職故夫績顯懋實內助之得人而  
夫道無虧係中饋之能贊也世未有助國之臣不與君同其福亦未  
有克家之婦不與夫共其榮者也爾何夢桂身有顯秩妻與恩榮理  
之常也茲特加爾妻方氏爲匡國夫人用彰其德實表其勛受一品  
之祿享五命之榮爾其欽哉無忝斯意

咸淳三年六月 日

下



勅戶科給事中何陞

督運軍餉一道

奉

天承運

皇帝制曰勅戶科給事中何陞宣府各城守備官軍數多糧餉數少今特於在京官操脩官軍內差撥五萬員名并在京內外官員軍民人等有驢騾牛車之家各借人車一次就於京倉支糧運付宣府各城收貯備用官軍每人運糧一石賞布一疋驢騾運糧十二石賞布三疋中軍運糧七石賞布二疋每糧一石加耗糧四升特命爾同左少監彭以德監察御史柳春提督趙運到彼交納除分居庸關并宣府懷來鎮守總兵等官差撥官軍各照地方沿途接運哨瞭防護外爾等務須公同計議設法調度擺列資次使人車行各有紀律不致疏虞





爭競爾等務須躬親分投往來巡視嚴督官軍大小頭目併驢騾牛  
車總小甲人等及早趨運完足毋致過期虧折及戒頭目人等不許  
科需重致勞擾趨運到彼交納畢日即時放回人車彼處收糧倉分  
不許刁蹬留難如違俱聽爾等糾治爾等務在公勤率下使人不致  
勞擾趨運易于完足庶副朕委任之重欽哉故勅

景泰元年十二月二十日

下



勅遷何陞及封贈父母并妻一道

奉

天承運

皇帝制曰國家設六科給事所以平奏述詳命令審覈是非駁正違失其任重且要矣非得恭慎端直之士曷克稱茲爾戶科給事中何陞發身賢科給事廷陞歷年旣久克慎且勤茲進爾階徵仕郎錫之

勅命以示褒嘉夫居近侍而以言爲職貴達大體而畧細故爾宜益端乃心篤乃行毋徇身黷懋於厥官尙有崇資需爾後效欽哉


勅曰國家推恩臣下必及其親者所以重本而勸孝也而何間於存歿哉戶科給事中何陞父公郁慶鍾厥子而祿不逮揆其所自宜有顯褒今特贈爲徵仕郎戶科給事中靈其不昧尙克承之



勅曰國家於任職之臣必有顯及其親者所以重源本也爾盧氏戶科給事中何陞之母有子效用皆爾善德所致茲特封太孺人服此隆恩尚懋敬之

勅曰夫婦人之大倫故朝廷推恩羣臣必及之戶科給事中何陞妻王氏克相其夫茲特封為孺人祇服榮恩永光閨闈

景泰三年十二月十六日 下





勅贈何宗序

并安人  
方氏

奉

天承運

皇帝勅曰爲臣能勤於職務國家既有以褒榮之而復推恩及其親者所以惇本始而爲天下之爲父母者勸也爾何宗序乃南京吏部考功清吏司主事何禮之父積善毓慶晦迹邱園訓成厥子爲國之用茲特封爾爲承德郎南京吏部考功清吏司主事服此隆恩永綏祿養勅曰國家制推恩之典以寵任事之臣而能盡心於職務者則必榮及其親所以示嘉褒而勵忠孝也爾方氏乃南京吏部考功清吏司主事何禮之母端靜慈惠儀範閨門有子效用勤于職務特用封爾爲安人祇服榮恩益隆壽祉



天順八年七月十二日

下





勅何禮

并安人  
宋氏

奉

天承運

皇帝勅曰吏部爲朕擇賢任官蓋致治之本所係也其屬有四皆置郎以  
長之而協贊其事者亦必得人乃克有濟爾南京吏部考功清吏司  
主事何禮發身賢科擢任斯職歷年茲久克著才猷茲特進爾階承  
德郎錫之勅命以示褒榮於戲士之仕也貴於有立爾尙益懋厥官  
以需顯用欽哉

勅曰朕惟人臣克效勞於國者雖本於父母之訓蓋亦有伉儷內助之力  
也故推恩之典命必及之爾南京吏部考功清吏司主事何禮妻宋  
氏克謹婦道以相其夫致能盡心於所職茲特封爾爲安人服此榮



恩永光閨闈欽哉

天順八年七月十二日

下

勅何貫斗義士詔

奉

天承運

皇帝詔曰國家先務養民爲急爾能出備糧米用助賑濟有可以聞朕甚嘉之今特賜勅獎諭旌爲義士爾尙益散仁惠表勵鄉俗以副朝廷褒美之意故勅

成化六年八月初四日

下





勅贈何昌同

并封太孺人王氏

奉

天承運


皇帝勅曰朝廷任用才能以勵夫臣之忠因推恩典以遂夫子之孝故親雖不存而命必及焉爾山東道監察御史何澹父昌同散行仁義延譽鄉邦訓子登科列官近侍雖祿養之弗逮宜恩典之有加茲特贈爲文林郎山東道監察御史九原有知服斯寵命

勅曰母之慈恒篤于訓子子之孝必志于顯親故朝廷推恩臣下必體其心而有褒榮之典焉爾山東道監察御史何澹之母王氏相夫教子闡範可稱子既成名由爾慈訓推原所自用錫褒章茲特封爲太孺人服此茂恩永綏祿養



成化十二年九月初八日

下





勅贈何禮

并宜人  
宋氏

奉

天承運

皇帝制曰父以教子爲賢式隆佑啟子以養志爲孝務在顯揚矧汝世宦之良丕振家傳之業肆推恩典實倍常倫爾故南京兵部職方清吏司郎中何禮乃兵部職方清吏司署郎中主事紹正之父才猷卓偉志行端良擅鄉榜之英稱登甲科之高第歷官兩部賢勞備著於留都教子一經顯職復登於郎署顧鼎釜之養弗逮而風木之感彌深爰推錫類之仁用舉追崇之典名因益顯恩豈徒施茲特贈爲奉政大夫之職賁以綸章丕著貽謀之善告於禰室永垂祝號之光制曰國家覃敷恩命旌獎賢能故隆其禮而及其親必生有封而歿有



贈茲惟著典匪自予私爾封安人宋氏乃兵部職方清吏司署郎中  
主事何紹正之母柔惠靜專孝慈勤儉出自華族歸于名門蚤媿夫  
階已荷榮封之命今緣子貴載申追卹之章蓋淑德之有徵故寵褒  
之無已茲特贈爲宜人絲綸渙布遠增邱壠之光譜牒具存永示家  
庭之式

正德九年三月十三日

下



勅何紹正

并安人  
洪氏

奉

天承運

皇帝勅曰卿分六職惟夏官爲劇曹屬列四司在正郎爲高選矧職方之  
攸設實邦政之所先故必才行之俱優庶其委任之不負茲惟慎選  
不輕授人爾兵部職方清吏司署郎中事主事何紹正經述家傳甲  
科世繼首居使職清風遠播於藩方旋擢諫垣讜論每陳於廷陛顧  
直道不容於當路而末僚出佐於偏州暨公道之昭明肆郎曹之晉  
陟眷茲署任式長一司精綜理以舉條章事無不集勤檢柅以革奸  
弊動罔或愆閱歷寢深聲稱愈著旣書最考宜示褒恩茲特進爾階  
承德郎錫之勅命於戲奉公守正尙勤臣職之修趾美象賢勿替家



聲之舊佇觀來效嗣有超陞欽哉

初任 行人司行人

二任 復除行人司行人

三任 吏科給事中


四任 調直隸海州判官

五任 兵部武庫清吏司主事

六任 本部車駕清吏司署員外郎事主事

七任 今職

勅曰人臣有勞於國朝廷必寵其家肆惟伉儷之良均被褒封之命典章具在風化所關兵部職方清吏司署郎中事主事何紹正妻洪氏裔出名門禮歸良士祇勤靡忒淑慎有常持身散荆布之風儉能率下






奉祀謹蘋蘩之職孝克相夫婦道既修褒章宜錫茲特封爲安人欽  
服寵名永光閩閩

正德九年三月二十三日

下









旌表貞節考

奉

旨劄付貞節何方氏

嚴州府淳安縣爲旌表事承奉 本府帖文該奉浙江等處承宣布

政司劄付承准 禮部以字九百九十六號勘合儀制清吏司案呈

奉本部連送浙江道等衙門開繳巡按直隸監察御史等官強珍等  
覈勘得孝子黃用賢孝行卓異節婦方氏等守節無玷烈婦韓奴等  
貞烈是實取具各該官吏人等同監察御史并按察司委官覈實保  
結備繳到部參照前因旣已覈勘是實合無照例行移旌表以勵風  
俗未敢擅便開坐

成化十三年十月二十一日本部尙書鄒 等於



奉天門奏奉

聖旨欽此欽遵合行本司轉行該府州縣照依開去孝子節婦烈婦姓名緣由照例旌表仍將旌表過日期回報施行承此案照前事已經備呈去後今承前因合就劄仰本府轉行縣着落當該官吏照依勘合內事理即將節婦方氏照例旌表仍取旌表過日期申報施行奉此擬合就行爲此帖仰本縣官吏照依勘合內事理即將節婦方氏照例旌表仍將旌表過日期申報以憑轉達施行爲此帖仰該縣着落當該官吏備辦木料起倩匠夫扛擡木料以憑照例旌表須至帖者

計開

節婦一名方氏係浙江嚴州府淳安縣已故民人何珽一名趙同妻夫亡時年二十二歲守制終喪舅姑念其年幼勸令改嫁誓不再出




抱養姪男何灝爲嗣躬勤紡績侍養公姑守節五十七歲見年七十  
九歲並無瑕玷理合旌表民人何珽趙同妻方氏貞節之門

右帖下該里長何溥准此

成化十四年十月初一日









旌表題名

內字行

廷傑妻戴氏

吉甫宅性初堂下  
人載省府志縣志

鮮字行

何珽妻方氏

餘子宅鳳山祠下  
人載縣志府志

璦同妻方氏

餘子宅鳳山祠下  
人載縣志府志

同字行

寶漢妻胡氏

庭芝宅南  
塘派下人

邑庠生何濂妻方氏

餘子宅鳳  
山祠下人

曹字行

啟陽公號





勢玳妻方氏

庭芝宅南塘派下  
人即前寶漢次媳

於字行

金鹿妻魯氏

叔範宅流光堂下  
人載縣志府志

潛字行

樂道妻王氏

餘子宅鳳  
山祠下人

騰字行

太學生之和妻方氏

叔範宅流  
光堂下人


國重妻胡氏

吉甫宅留  
慶堂下人

啟字行

太學生自宏妻方氏

叔範宅流光堂  
下人載府縣志





跡字行

兆壽妻洪氏

叔範宅寺下  
坂人載縣志

何珏妻汪氏

叔範宅流  
光堂下人

學懋妻潘氏

應高宅卯里  
人載縣志

兆貴妻余氏

叔範宅豐溪  
人載縣志

景枚妻方氏

吉甫宅性初堂  
下人載縣志

裂字行

應詔妻方氏

應高宅  
西坑人

上勤妻邵氏

吉甫宅留  
慶堂下人

鼎瑞妻王氏

吉甫宅榮親堂下  
人載縣志府志





何璽妻邵氏 餘子宅鳳山祠  
下人載縣志

天衢妻方氏 吉甫宅性  
初堂下人

土字行

何羣妻方氏 吉甫宅留慶堂  
下人載縣志

邑庠生何志妻余氏 庭芝宅南塘派  
下人載縣志


何順妻方氏 庭芝宅南塘派  
下人載縣志

何輝妻余氏 餘子宅鳳  
山祠下人

家佑妻方氏 吉甫宅榮親堂下  
人載縣志省志

顯揚妻方氏 叔範宅流光堂  
下人載縣志

天壽妻余氏 叔範宅流光堂  
下人載縣志





道發妻王氏

吉甫宅性  
初堂下人

敬修妻汪氏

吉甫宅留  
慶堂下人

牧字行

郡庠生何敏妻余氏

庭芝宅南塘派  
下人載縣志

何幅妻方氏

餘子宅鳳山祠  
下人載縣志

亭字行

何基妻魯氏

庭芝宅南塘派  
下人載縣志

何堅妻楊氏

庭芝宅南塘派  
下人載縣志

其彩妻方氏

叔範宅流光堂  
下人載縣志

祈昌妻方氏

吉甫宅留  
慶堂下人





廷弼妻潘氏

吉甫宅致和堂下人

邑庠生廷煊妻邵氏

吉甫宅榮親堂下人

允吉妻宋氏

吉甫宅性初堂下人

志魯妻方氏

餘子宅人載縣志

侯字行

侯綱妻童氏

子仲公派下人

邑庠生邦泰妻魯氏

吉甫宅榮親堂下人





孚惠廟原委考

廟創始於陳宣帝大建二年庚寅辛山乙向鄉民請於官而八世孫岳所立宋哲宗元祐初更造規制猶尚簡僕迨高宗紹興四年甲寅二十八世孫勝祥將營新宅木聚溪側一夜洪水驟發漂至東泐潭悉擱焉勝祥往觀異之乃歎曰家廟未崇而營私室此神祖所以警我也遂以其木先建正殿及門樓錫策樓勅碑亭佐以兩廊神像悉備明洪武年間廟尋傾圮神乃附語警人使加修葺適三十六代孫散善者丁艱於家倡率同族聚材鳩工營蓋經始於戊寅三月越明年九月落成

廟貌次序

昭利靈順侯



鳳山何氏宗譜 卷之四  
宋孝宗淳熙十三年勅賜孚惠廟額

理宗紹定五年七月二十一日追謚昭利侯

度宗咸淳元年乙丑加謚靈順侯

惠濟顯聰侯 封於於潛杉村

元至元二十三年子孫命工體杉村廟像貌配高父右

壓殿大像一尊 行宮二尊 寢殿三尊


東西正廳 歷代鄉賢牌位

東西兩廊 毛蔡楊魏四令公 擒魔將軍 十三太保

何九太保 虎一太保 鐵馬四郎

伏虎三郎

從祀 若冰真人 何甲公宋 天師賜號





寢殿前新創

歷代祖先神王祠

宋理宗紹定五年壬辰昭利侯勅命

勅嚴州淳安縣孚惠廟神

朕惟自昔水旱蟲蝗之災盜賊凶荒之變有非人力所能消弭者所至必有山川封守之神威鎮一方惠利萬物爲士民所歸向而託命焉幽顯相依禱祈協應每有司上其功狀朕必爲之惕然動容不愛褒崇之典而寵嘉之惟爾有神近在界內求之故典則淳熙之所表章也浙部使者以爾名聞進爵徹侯增光廟祀益孚靈貺爲無窮休可特封昭利侯奉

勅如右牒到奉行

紹定五年七月二十一日



少師右丞相魯公彌遠知樞密院事兼參知政事極參知政事清之

兼給事中澤兼權直舍人院錢八月七日午時都事郭僕受右司郎

中副少師右丞相魯公彌遠知樞密院兼參知政事極參知政事清

之吏部尚書權吏部侍郎震


告昭利侯奉

勅如右符到奉行

主事徐元麟令史黃文挺書令史周裕


都官郎官兼主管院典憲

紹定五年八月七日下午





勅封孚惠廟圖






右廟創始并嗣修悉已具前逮嘉靖戊子太參紹正率衆加立前  
堂修葺牌樓榜立何氏家廟至崇禎三年十月何圖之進等倡  
衆改建前堂併東西兩廡兼修葺正殿墜勅碑亭于前之甬道  
改建勅封孚惠廟扁而原何氏家廟之匾置之正殿門額其後  
寢室一所則係士達一人輪貲所造也



勅封孚惠廟圖




鳳山何氏宗譜

卷之首

孚惠廟新圖錫策賦

四

遠人廟堂





錫策樓賦

翼然而起如暈斯飛者孚惠廟之前殿也朱榜金字昭垂煥烜者錫策樓之署扁也在昔漢室鼻祖比干廷謨大理同臬張湯深文巧詆我公惻然獨尚仁恕揮刷平反按覈非是解倒懸於桎梏活瀕死以千數忽晝居而假寐聞車馬之駢闐現人神而突立見靈媪之來前持九百九之金策云陟降之自天上帝命以敷錫俾昌爾之曾元是以簪紱蟬聯冠蓋鱗次文彩光華表儀朝著代不乏人繩其祖武迨乎五馬浮江一龍御極我侯篤生英姿挺特嘉謨徽猷受命篤弼進策臨軒吏部陞秩青蠅構讒飲鴆而歿由是精魄不泯凜乚如生廟食兩州潔染豐盛複廟重櫺斲楠丹楹黝堊琢礪夾庀崇閎暫御拱立陪臣列位掌籍司福贊引導意有禱輒應何福不除莫不恭敬肅雍揖讓登降而蕝事也爾乃花朝月夕侯出遊遨腰



犀緩鎊猩紅蘸袍朱旛芝蓋翠羽金翹歌管器噪征鼓喧囂雷奔電赴風  
動雲搖銀花火樹鐵鎖星橋觀者目眩聽者神勞於是我侯還宮登餽菜  
班序仍來稽首羅拜扣鯨音於蒲牢轟鼉鳴於桴蕢定宗盟於歃血稱兕  
觥而三酌以祈時和而歲豐祝民安而國泰者也繫之頌曰士當廟食兮  
生封侯閔我烈祖兮壯厥猷輶撥萬程兮斯首邱殖乚其庭兮奕乚其寢  
不動聲色兮桓圭元袞鑑空衡平兮明視聰聽潮昌黎兮柳羅池彼二碑  
兮韓蘇悲公佑後兮弗棄基福我壽我兮昌而熾雨暘時若兮五者備子  
孫振振兮欽於世世


裔孫景福撰

景福讀漢書至何比干傳見載金策事何比干漢武帝時人與張湯爲  
大理評事湯性慘酷多枉濫致人於死地比干多雪理而出之故神物  
之報如此遂彙括其語而爲賦且以識廟貌之嚴迎神送神舊規之盛



後有作者引而伸之庶幾興感之繇讀吾賦而或可復焉

癸丑中元日書





文昌六宗祠記

吾清文獻甲於江南而稱最者則文昌何氏也其肇遷自  
文建公始其顯著自潛齋先生始建公之祖騰公仕漢封牧亭侯食  
邑於潛凡三傳而爲文建公仕東晉爲吏部侍郎卜宅而定今居焉  
族屬蕃衍遷徙遼廓近之若本邑鳳山瑤山富錫洋塘遠之若分陽  
之楮木村建德之安仁砧蘭江之蓮塘崗富陽之湖源港子姓昌熾  
未易枚舉也文昌本派傳三十二世潛齋先生以廷對第三人登八  
座爲理學名臣家學淵源昭代愈盛科目甲第無慮數十人或以臺  
省著聲或以循良隆譽斌七乎稱文獻世家矣顧支流纍若各派分  
宅者第就其里居各建家廟而木本水源未能歸一豈其有待乎文  
學金吾之翰君毅然有敵本睦族之思謀于族衆卜地于村居之右



何畝從鼻祖肇遷舊址也開廣其基延袤以畝計者凡五而羸周圍以丈計者凡百而縮鳩工度材居之近者響附子來輸以數千百計居之遠者好義來同助以數百十計於是立址伐木於是鑿石壘土而爲礪若瓦創造於萬厯己酉仲夏落成於己未仲冬厯十禩而祠成前有門七有綽楔標曰六宗祠入復爲門標曰百代瞻依門之內爲廣除宏愷朗洞中則廳事五間扁曰敬愛堂後則正側夾房左右兩廡翼之以楹計者二十有六而寢室備矣顏其額曰永思其制巍然其規煥然此其人力勝也孝思之不匱爲之也若夫山川之靈秀形勝之都美又有天造地設者焉形家言天輔太微台曜旗鼓天馬之揚鬣金魚之奮翅無一弗備其峙者崔而峻流者媚而密蔚藍之光上下相接草木之掩映於祠前者若爲色飛也蓋天地人相合以



成此勝概也余不佞忝在葭葦業聞之子壻何生顯諫景慕瞻注久  
矣而金吾束髮締交不以衰朽見鄙拆簡徵余作六宗祠記余惟祠  
者嗣也各宗之子姓而羣假於廟非精意以高烏能及此余生同里  
閨往來道路間凡何姓之聚族無不有何姓家廟皆文建公祠也茲  
乃聯渙爲萃合異爲同列之爲六總之爲宗非有親睦之誼者又烏  
能及此昔范文正公有慨於其族之散處也置田三千畝於平江之  
祖居以聯屬其遠派之子姓號范氏義庄其後裔崇隆實肇於此金  
吾諸公合羣族而統宗之祠其所以收人心而厚風俗者功豈在文  
正公下耶而爲敬愛爲永思夫愛率親可以觀仁敬率祖可以觀義  
永錫類可以觀孝而烝嘗禴祀禮樂明備章匕較著矣牧亭公吏部  
公狀元公之謨烈金吾諸公之紹述美而彰盛而傳乎江南之文獻



鳳山何氏宗譜 卷三  
誰爲文昌何氏之右哉余服習潛齋先生之著作而嘉後裔之顯赫也爲賦螽斯章而作六宗祠記

皇明天啟二年壬戌仲夏之吉文林郎知廣西寧州府永淳縣事

邑人合浦眷生童時明頓首拜撰

鼎建合祠總首


宗寶 宗湖 之翰 其賢

協助糾首

愈祥 嘉知 之仁 之芳 萬善 萬德 萬恩

其茂 其道 宗璉 宗瑞 宗周 宗珊 其彩

鳳山 叔慶 山 汝成 繩武 富 時正 楮 叔亮 蓮 廷鳳 希周





文昌八景爲邨居之勝概前賢題咏甚富今刊雍正十一年成匏亭先生七截八首以誌一鄉名勝云爾

青山拱翠

淳安教諭  
錢塘舉人成廷楫桂舟

亭亭一朶翠芙蓉知是何年下碧空霧髻雲鬟終不改笑看多少白頭翁

小橋魚釣

臨溪路斷板橋橫苦竹荒榛河水清蓑笠一竿魚上釣夕陽影裏鷺鷥明

澄水廻瀾

兩派飛流匯此溪淵渟深湛綠玻瓈微風縐處都成綺只有天孫巧與齊

鼓隴樵歌

樵採辛勤強自娛隴如腰鼓節歌呼不知漢代朱翁子擔上書聲似此無

何坂春耕



杏花爭艷鶉鴉鳴負耒扶黎趁曉晴數頃綠畦新雨足何山大小共春耕

龍田夜讀

燈火誰家雜誦聲窗櫺一任月光明龍田舊是詩書種肯讓前賢獨擅名

塔塢清風

何潛齋先生歸隱處

運逢百六負時名谷隱巖棲畢此生月下魂歸應有恨高風爭似疊山清

晡峯夕照

吾鄉雷峯夕照人比爲醉道士

西山爽氣樸人襟更愛重蒼落照深比似西湖淨慈塔酡顏醉態出疎林

亭亭一采然笑芙蓉長何羊不豎空靈管在巖林不列芙蓉多少白頭色

西山夕照

吾鄉雷峯夕照人比爲醉道士

西山夕照人比爲醉道士

文昌人比爲醉道士



先賢遺墨屢經兵燹存者不過什一茲刻於譜中永留手澤雖趙璧隋珠未足擬其寶貴也

贈富山方仕豪還涪安

正統十七年

何陞文達

黃金臺下暫停驂尊酒旗亭不盡酣方喜徵文來冀北又看買棹往江南山光半削天邊翠水色漸添雨後藍若見舊交如我問慚無補袞廁朝班

又

何禮文用

京邸相逢喜盍簪思親又動故鄉心瞳匕精采凝秋水犖匕聲華播士林歸騎到家鞍謾卸升堂娛綵酒重斟山林樂道知多暇毋惜殷勤寄好音

輓處士永仁公

何陞

八十餘年樂治平鴈山習隱見高情惟知道誼千金重直視功名一羽輕鶴怨山雲荒馬鬣烏啼暮雨暗蘭旌箕裘喜有賢孫紹官拜金溪職分清



又

何

禮

髻年失怙歷顛危壯歲鼎與百事宜財德潤身還屋潤兒孫聞禮又聞詩  
林泉晦養辭名爵聖澤深濡除盛時八十四年成一夢高風千載使人悲

錦潭

在文昌里又名狀元潭夢桂公建坊其上并詩俱載縣志

何令範

圍式

碧流旋繞沁詩腸彷彿烏號月下張豈是秦川饒織錦千迴寄與寶襄陽

易菴峯

在文昌夢桂公建易菴書院其上并詩俱載縣志

何令範

高處營菴勝樂窩此間不獨白雲多籟聲一派空中發磬底龍吟谷自波

輓鳳山處士尚德公

成化丙戌年


蜀阜徐貫

碧梧千丈出高岡一段風流迥不常往事棲涼三尺土淡烟衰草自斜陽

又

江浦莊景

魂冷詩壇月不明空山哭盡斷猿聲可憐千古寒江上暮草年年春自生





又

三衢鄭昱

草堂人去鎖寒煙無復看雲憶惠連哀訃不堪聞  
上國儀容何事闕重泉春來荆樹誰爲茂雨後常華白爾鮮我亦有兄憐早世此章歌罷一潸然

又

茶坡許儼

聞說才名四十春可憐懷寶竟沉淪鄉鄰正好薰潛德天地胡爲奪善人  
鏡裏孤鸞空顧影日邊蜚鴈獨傷神九京若使魂能作願贖誰云惜百身

又

劉大夏

鴿原秋老泣離羣風雨蕭然自夜分況復承恩歸故里不勝清淚灑荒墳

又

廬陵王璘







啟陽公號

鳳山

圖

宗譜

卷之

首

鳳山陽圖


鳳山陽圖

鳳山人印堂





餘子公繇文  
 昌上坂遷潭  
 頭鳳山一名  
 潭江畫集山  
 形在基祠宇  
 孤山麓孚惠  
 廟圖於譜





# 鳳山餘子宅附陰圖







鳳山翁字宗圖

鳳山翁字宗圖

卷一

鳳山翁





大興二年十月  
二十五日奉

聖旨

御筆批贈牧亭侯

何騰獨角山

墓圖裔孫益

州刺史文建

上表請

旨圖今珍藏於潛

之牧亭


乾隆三十六年

於潛縣令張

奕重整墓碑

詳載復墓述

中



因聘圖



文建公親筆記

御賜山圖後

世祖騰公仕漢功勳中平三年勅封牧亭侯爵 迨

東晉大興二年八月十五日裔孫文建上表奏准

蒙


聖恩

勅獨角山圖

御筆批賜後嗣閱徵萬代標名

御批 本年十月廿五日

下





讞

於潛縣正堂加五級紀錄六次記大功六次張

爲勘訊得士民

何煒何明盛何維謙何承孟何應午何崇中何作霖何其彪其光等  
呈控章知愷章知邦章聖鈇章服元等侵毀伊祖何騰公侯墓一案  
緣漢代何騰効力疆場屢建功績褒封牧亭侯墓葬縣南貳拾里獨  
角山而於邑牧亭地名之稱亦因是始迨因世遠年湮何姓子孫四  
散分居致地爲章得侯墓旁圍亦壘墳塋至前明嘉靖隆慶年間何  
大忠鳴縣

憲委員會勘斷以侯墓前後左右各玖步釘界聽何祭掃餘仍歸章故  
厯祖墳塚附焉何姓先以近墳之何禴子孫永遠標祭乃於乾隆九  
年禴支故絕致墓日侵今據該士民何煒明盛等檢集圖誌卷譜環




控到縣親詣履勘查核之下不特與何姓圖誌卷譜悉相切合卽察看墓形規模及墳磚等物其爲漢代何騰公墓何煒何明盛等確係騰派子孫毫無疑議按例應斷留玖拾步卽照前卷亦應聽地九弓姑因地係章姓起丈埋塚纍纍曲法免遷以現存羅城穴心起前南伍弓後北二弓一尺五寸左東二弓五尺右西二弓五尺面同貳比定界飭何速加修葺建監墓碑永遠守護界外歸章經業知章知邦等侵損功臣墳塋且復抗違本應詳究俯念鄉愚且於自悔過概從寬免取具兩造遵結附卷此判

大清乾隆三十五年十月初七日給

識

印

給





復牧亭侯墓述

顯祖諱騰公以戰功仕漢征氏羗破張角績著旂常歷官武陵下邳封侯食邑事跡晰註本傳中歿葬潛南之獨角山下遷清始祖昭利侯爲益州刺史上表請

旨大興二年八月奉

旨御賜山圖

勅諭葬祭煌煌

天語炳載志乘詎因後裔星散守墓式微致令土人章氏侵佔異類偏處故址日移明隆慶時族賢株木大忠歷控巡道藩憲訟經八載履勘七次始則以二郎廟之鎮祖墓作騰祖墓繼則以墓崩二竅爲四穴作無主孤墳或爲何氏古墓賴遂安周令會勘核驗山圖官志家譜



令于墳前開掘得纏枝牡丹方磚礮內珠紅益知侯墓是的奈上有  
戈府下有丁令受賊袒向互相婪蔽忠奮不顧家志以身殉雖得陳  
理刑判以穴中起數左右前後各九步但章氏倚嶠抗結未竟其事  
忠抑鬱無訢賈憾以終當時尙有何禰子孫近墳標祭後嗣孱絕墓  
復日侵會璣公派下文瀾暨子楠從隱塘遷牧亭志清祖墓刊列圖  
卷分賜親族激烈之辭讀者憤發奈事未成而身已殞楠子燁於乾  
隆二十九年挺身控理七載於茲廼與堂弟明盛倡立輸單邀集各  
宗環羅墓下幸先人有靈復得建祖請

旨圖像仰賴

張公之明再整故侯之壘判以前南五弓後北二弓一尺五寸左東二  
弓五尺右西二弓五尺官定界址飭令速加修葺豎碑羅砌永遠守



護章知愷章知邦等侵損功臣墳塋本應律擬姑念鄉愚曲法寬免  
結案嗟乎烈烈英風可以服氏羗走黃巾而章氏子乃敢狐隱辛臊  
兔營狡窟醜集其下以吾祖之剛毅豪情不屑與計原無異於蝨處  
禪中塵依幕下但爲子孫者見之其奚以忍耶獨是墓下子姓五十  
餘族不下數萬人而此數萬人中前則大忠傾家奔控後則文瀾父  
子祖孫踵事告理而吾族鄉公下士民踴躍幸爾稍復舊制但憾侵  
毀侯塋王法未加異類未屏巢窟未毀此皆子孫之責也後有興者  
其尙有志於斯也夫

皆

大清乾隆三十七年春月侯五十一世孫 越敬述



國

家

與

子

籍

賦

五


水

山





# 勞山瑛公墓圖



鳳山可氏宗譜

卷之首

墓圖


卷八





所為

圖程





鳳山可氏宗譜

鳳山可氏宗譜

卷之首

墓圖


二

鳳山可氏宗譜





形鍋覆口坑丁河西



鳳山何氏宗譜



卷之四

五修堂







西河墓坑象鼻形





昌期鄉貢深源

鳳山何氏宗譜  
卷之四



鳳山何氏宗譜



# 天凹嶺羅帶形



卷之首



墓圖

四

墓圖





# 陳塢口坤公墓圖






崇安確塢飛鳳形墓圖






# 茶風墓焜公支下墓圖




口坑

松林義墓






墓足黃龍笑天形



墓圖







蘇天美黃吳墓





幼道宅陽圖









幼道宅社廟圖

戊辰魚乾吳向




鳳山可氏宗譜

卷之首


墓圖

墓圖





壽德公余一氏墓圖






繼祿公墓圖




陳蛇塔

世襲





鳳山何氏宗譜



鳳山何氏宗譜



墓塋志

舊有四大小引泛言營葬無關作志之義今刊湘陰王公之欽言行彙纂一則其慎重墓塋之意爲深切而著明云

王朗川先生曰名公巨卿邱墓內有墓誌外有豐碑再有華表人獸以及神道碑亭至士庶之家雖限於分而誌石墓碑不在禁例稍有力者內誌以石或記事功或止勒亡者生庚故葬年月山向四至大概附埋塚內上樹碑一通不必過於高大嫌於僭也碑面照有無封贈職銜據實開列考妣某七之墓旁書子某孫某敬立碑陰仍將父母生庚故葬年月并所葬坐山朝向及墳地四至丈尺墓田畝數明白刊刻庶可以示久遠以防侵佔葬遠鄉者尤不可不急講也本族家乘刊載墓塋圖誌蓋卽此意凡葬其親者能如朗川先生之言則善矣

一韓王子允公孫隆公墓在扶風城北五里大道之南石橋之右坐甲



向庚

誌曰

酷哉秦毒

荼苦中原

芳蘭烟滅

涕泣含冤

泰山毛髮

一縷千鈞

綿延嗣服

垂裕後人

一漢故江都相修公

一漢故膠東相成公

一漢故大中大夫果公


一漢故丹陽都尉胄公

茂公記云簪纓聯絡奕葉重光布滿四海散徹九州名列三台位登

九棘懷王臣之節識所任之儀光國榮家身兼文武朱軒紫蓋各播

漢魏之間金印鏗鏘光耀晉宋之後薨葬陵墓并在扶風本郡西北

五里大道之南石橋之右墓田方圓一十八里墓前有石羊石虎石





人石馬及華表碑文於今尚在永爲志記之守墓人方徐二姓碑文  
數序冗多不及詳載姑錄其志云

誌曰  
赫七宗周 振七爾孫 傳芳玉葉 分派璇源

時維否哉 秦虎是吞 天未覆墜 椒房載蕃

奕葉流芳 垂裕後昆

一漢故牧亭侯騰公墓在於潛縣治南二十里牧亭村溪西獨角山坐

壬向丙 載於潛縣志 杭州府志云獨角山高二百丈周圍二十里漢牧亭

侯墓在焉

大興二年八月十五日益州刺史 臣 何文建上表奏准蒙

御筆

勅賜諭葬山圖





爾祖何騰仕漢忠良協相朝綱文武韜畧助國安邦未有諭葬朕自批爾山圖安葬故臣永慰先靈後裔閱徵奕世可稱

勅命

大興二年十月二十五日 下 山圖另載復墓紀事另行詳述

之寶

一漢故龔牧亭侯鎮公墓在父之墓左三里許


一吳故九真太守瑛公墓在分水縣生仙鄉家之上管勞山之陽坐壬

向丙今上管曰八管勞山曰豪山山前村曰琅玕村

一晉故吏部侍郎文建公墓在安樂鄉十六都孚惠廟下皇字貳百玖

拾大號前官道後山降坐壬向丙名曰萬程阡元時本縣主簿奉

命降香致祀禮畢乃題詩誌之曰





何氏種深德 詩書累代傳 家存百世譜 墳葬萬程阡

古木啼山鳥 清溪哽石泉 狀元坊尚在 回首起蒼煙

一晉故侍郎王夫人墓在涪安十四都上西河村之後山墓碣曰王氏

夫人之墓今俗呼為亞氏墓者以王氏年深中階類亞字故也

一晉故廬江太守涓公墓在廬州城內廬山右腳山下坐庚向甲墓東

有橋橋北有廟其香火松楸今猶在焉誌曰

爰自弱冠 卓焉高視 鑑涉藝文 博窺經史

詩鴈賦湘 直餘溢爾 桐鄉之民 千載敬祀

一晉故衡陽太守的公墓在涪安昌期鄉湛祈村頭坐壬向丙今為洪

水所圯誌曰

遇坎乘流 知微知止 忠恕宏毅 於昭天理



於焉首邱 奉襄敬事 燕翼之謀 貽厥孫子

一梁故著作佐郎妥公墓在十四都西河祖廟下首茂坑口朝字四百

三十<sup>五</sup>號山地內

<sup>六</sup>

一陳故梁錢塘丞岳公墓在侍郎廟下溪邊亦為洪水所壞

一唐故茂公墓在廟下乾山巽向東至廟西至劉褚新墓南至墓叻北

至大壠婆鄭氏合窆


一唐故散騎都尉子餘公墓在祖宅北山今十六都一保舒村壬丙向

一後周故後唐大理評事彥胡公墓在十五都九保南園冥查墓帝字

一千二百廿四號地癸向夫人王氏墓在六保何村蠶筐墓龍字八

十八號地丁向

一宋故蠲公墓在文昌村頭後山與父龍公并子璉公三墳相並父居





南子居北公居中官字一百八十三號山乾亥山巽巳向安人方氏  
在冥查墓後塘園與璉妻胡氏連穴甲向時送葬者三十六社計三  
千餘人此小五房之祖也 公遺像在兌山下

一宋故儂公墓在小酉口小覽塢口官字二百九十一號山巽山辛向  
安人方氏在後塘園姑墳之後小石羅甃者

一宋故耀卿公墓在文昌村下擔墓官字一百三十四號山乾山巽向  
一宋故耀光公墓在水南小俞山官字七百六十七號乾向

一宋故碧源公墓在上坂祠後中山乾山巽向

一宋故公運公墓在昌期鄉貢深源西山卯向 子邦公珍公合葬墓側

一宋故公澤公墓在上坂家後山官字二百一號壬山丙向今各白公  
山鄭氏葬拗不正方氏葬山下坂心荷花形罪字五百號子山午向



一宋故從雲公偕洪氏墓在南園墓

一宋故搏公偕邵氏墓在上坂祠后中山

一宋故浙省鄉薦應高公墓在豐源後宅

一宋故浙省鄉薦應炎公墓在南園墓西山卯向

一宋故大理鄉薦桂公墓在柵源郎珮山棗樹坪夫人方氏葬山路傍

對河墓山有華表柱

一宋故經魁應星公墓在濃坑上塢塔天頂穴

一宋故景轟公墓在溫山墓回龍顧祖巳亥兼丙壬

一元故餘子公墓在安樂鄉天凹嶺羅帶形庚山甲向今改酉卯加庚

一明故當塗縣令鐵問公墓在柵源汪坂

一明故壽公墓在鳳凰山脚落地梅花形乾巽向





一明故贈文林郎道宣公墓在小西天井凹道敏公安人王氏同墓乙

山辛向

一明故陳州知州榮善公墓在柵源邦墓

一明故南安府知府散善公墓在南園墓丙山壬向

一明故遇公廸公墓在下嶺源天凹嶺羅帶形與祖同穴

一明故奉新縣令憲章公墓在萬程阡壬山丙向

一明故泰安州同知宗敏公墓在內湖

一明故贈戶科給事公郁公墓在宋塘盤龍形庚山甲向

一明故封承德郎吏部主事宗序公墓在富用村後大墓裡人字三百

八十三號丙山壬向

一明故思洽公思閻公思道公兄弟三人墓在溫山墓瓜藤形丑山未





向

一明故義士貫斗公墓在塘下壬丙向子邑廩生武公同墓

一明故河南參議陞公墓在宋塘盤龍形辰山戌向

一明故封監察御史昌同公墓在汪坑大墓裏臣字六百號

一明故兵部郎中禮公墓在郎碣山俗名落豁皇字六百九十一號山

午山子向


一明故工部主事璇公墓在天凹嶺

一明故庠生璣公墓在下岑源見堂山與瑤兄同墓東邊穴戌辰向

一明故義士賜公墓在郎碣山與兄禮公同穴

一明故香山縣令起中公墓在茶山

一明故枝江縣令澄公葬評事墓癸丁向





一明故司訓奎公墓在內湖

一明故江西參政紹正公墓在天樂觀上首甘坑上穴駒字七百九十  
六山內亥山巳向

一明故羅田縣丞溥公墓在大山

一明故淮公墓在溫山墓板燈形與兄法公同穴

一明故九任巡按清公墓在王塢口平字一號乙山辛向


一明故梁公墓在十二都崇安庄石砲頭月形字字號

一明故鄉薦楷公墓在溫山墓

一明故處士森公墓在羅帶形帶頭穴偕冢嗣灼公同穴

一明故棟公墓在王塢天井堂平字號

一明故塚公墓在溫山墓乙山辛向





鳳山何氏家譜  
卷之四  
一明故坤公墓在沙坑陳塢口仙人打座偕子啟璋公同穴乾巽兼亥  
已向問字一百三十二至五號

一明故啟辰公墓在下岑源蛇形係平字貳百六十五號


一明故啟陽公墓在十二都崇安庄碓塢飛鳳形甲山庚向係字字五百一十二號

一明故啟蒙公墓在慶豐菴後茶風墓艮坤兼丑未係垂字貳百七十六七號偕子恒得公同穴

一明故啟敬公墓在茶風墓艮坤加申與啟坤公同墓各穴山係垂字二百七十六七號啟敬戶全業

一明故啟諫公墓在下岑源蛇形平字二百六十五號申寅向日寅

一明故恒仁公墓在下岑源方家屋後蛇形申寅向日寅





一明故恆義公墓在沙坑金家坪

一明故恆言公墓在溫山墓乙辛向

一明故恆禮公墓在下岑源牛欄壠黃龍笑天形內乾巽向外辛乙兼  
戊辰平字四百二十號至三十號山全

一明故恆順公墓在新墓裡騎龍穴癸丁向

一明故恆善公墓在梵坑猛虎形乾巽向


一明故恆佑公墓在下岑源方家屋後蛇形申寅向

一明故恆定公墓在墓坑口象鼻形酉卯向與兄嫂同穴

一明故恆忻公墓在十二都崇安庄碓塢口虎形

一明故恆裕公墓在新墓裏騎龍穴癸丁向

一明故恆賞公墓在新墓裡金釵形卯酉向






一明故恒綵公墓在秧田壩亥巳兼壬丙向與弟恒科公同穴山係推  
字號

一明故恒榮公墓在秧田壩朝山上丙壬兼午子向

一明故象乾公墓在塘塢金釵形甲庚兼卯酉向

一明故象琳公墓在鳳山後金釵形借長子爾治公同穴拱字  
四百九十三四號巳亥向





先叔何養正朝奉墓誌

夢桂撰

公姓何諱頤字養正將以至元癸未十月二十九日己酉與安人合葬子  
夢杓泣血告于堂兄桂曰不肖孤茲擇日以襄大事懼沒無傳不可以無  
識夫墓兄其誌諸惟公昆弟四人實出異母公最少子若姪凡六人桂最  
長幼時猶及見吾父與諸父事吾大父母左右色養無違疾則更僕湯藥  
無敢怠親歿兄弟居室如一體家事惟長公命是聽一堂氣象穆如也吾  
父早逝公初娶魯氏早夭無嗣再娶方氏復歿生夢杓甫三期皆公所鞠  
育以迄於成人長粗克幹蠱而公疾不復起嗚呼命矣夫夢杓以隻力經  
營葬地得之當里之汪原坐丁面癸山盤水環僉謂吉兆公平生散信尙  
義奈數竒不偶於時死得於葬此猶將食報於天以福其孫子公生於庚  
午某月某日卒於壬戌正月二十四日安人以勤儉克相有家生於庚午



某月某日卒於己酉四月某日媳婦方氏男孫二人長炤之咸淳辛未以伯父任太學博士試胄子升上庠次灼之未冠既葬將磨碣以昭不朽前發解進士夢材爲之書孤哀子夢杓百拜立石

按舊譜以願公爲振公長子今讀夢桂公所撰墓誌云昆弟四人公最少則願公實振公四子世系鴈行宅派悉應更正并刊墓誌於譜俾後之人數典不忘云裔孫咸宜謹識



文林郎奉新縣令憲章公墓誌銘

國朝奉新令何公昭善字憲章東晉吏部侍郎文建公之後南宋進士第  
三名夢桂公六世從孫也世居文昌家傳儒業公翁介夫先生尤以文章  
鳴於時公生五歲失父皆介夫先生撫養成立年十七入邑庠時洪武三  
年也後十三年因患瘋症還家二十七年疾愈以孝廉舉赴京受縣丞職  
工部事一年差往廣東遊歷布政九司二十八年實授江西豐城下車以  
來誠心撫字改學門以興賢築陂堰以利民士民感戴崇祀名宦迄今豐  
城仕于吾邦者未嘗不念公舊德而訪及其子孫秩滿司府以佐政公勤  
持身端潔興學校築陂塘民懷其德等語上聞遂陞奉新令持心立政亦  
如前任公以剛直同寅不合謫公薊北永樂五年回還銳志起家開創產  
業建祖父之窀穸造各處之生營原居龍田遷居後村拓基數畝創大厦



八十餘間經營規畫謀慮深遠矣初娶胡溪方氏子五公魯廷傑俱娶早  
亡廷玉廷才廷翰皆早逝又娶富山方氏子二廷茂廷英亦早逝二女俱  
適賢溪方氏又薊北娶張氏無子又娶豐城程氏子一貫斗字寶氣時年  
六十二矣三女長適賢溪方次適茶坡方三適長樂魯嗟夫公生八子七  
子先公卒惟寶氣公克承先志而裕後光前皆天也非人之所能爲也公  
生於至正辛卯八月一日終於永樂癸卯十一月一日時年七十有三卜  
葬於萬程阡乾山巽向與文建公之墓左右相焉

公自銘曰

不剛不柔 不怯不求 五湖四海 仕宦存遊 皆

成化二年八月吉日

孫 鈞立

賜進士出身朝議大夫河南布政司右參議姪孫陞拜撰



封奉政大夫南京兵部職方司郎中禮公授七品官賜公墓誌銘

吾父諱禮字文敬廷烈公子憲文公孫侍郎文建公三十二世孫也幼穎敏有大志十九入邑庠正統甲子領鄉薦天順丁丑登進士授南京吏部考功主事尋陞郎中三載考績勅封承德郎母爲安人丁艱改除南京兵部職方郎中養病歸里吾父居官廉慎不撓不屈吾母夫人宋氏柔惠靜淑孝慈勤儉生三女嬌瑜嬌珵嬌炫及男紹正庶母鹿氏貞閑嚴敬生弟紹大又張氏一生勤勞生兒紹明孫肩麟肩驥肩豸肩學肩鸚肩達肩詩曾孫嘉謨嘉賓嘉會嘉禎嘉邦嘉治嘉慎嘉民嘉儒嘉澄嘉勤嘉澣嘉海嘉嗣嘉勉嘉淮嘉濟正德甲戌以男紹正進階甲第銓職部曹欽承誥封奉政大夫母爲宜人吾叔諱賜字文濤吾父同母弟繼堂叔貫斗公後公勤幹理家道愈盛成化辛卯輸粟授七品官嬪邵氏慈惠勤能子繼紹賢



嫡紹統女和霞孫冕昂曉允祐晚曾孫嘉元嘉聰嘉敬嘉聘嘉職吾父生  
於永樂壬寅終於成化己亥年五十八母生于宣德戊申終於宏治甲子  
年七十七叔生於宣德癸丑終於成化甲午年四十二嬪生於正統壬戌  
終於宏治丙辰年五十五歲同葬郎碣午山子向銘曰

郎中爲兄 義士爲弟 德重望隆 難兄難弟 天向善人

永綏吉瘞 山水拱揖 鬼神護衛 佑我子孫 繁昌百世

嘉靖八年十二月

吉立

長子紹正謹撰




閻公墓誌

宏治甲子冬十二月一齋先生疾終於正寢越二年正德改元丙寅冬十月內午葬於宋塘祖塋外其冢子以規請予文誌於墓表予與公俱勝祥公後十服弟兄而締媼錦溪公執伐柯柄族而且親烏可辭公諱閻字永正號一齋姓何氏河南陳州知州榮善公之曾孫贈戶科給事中公郁公之孫授朝議大夫河南參議陞公墅鄙夫人王氏之子東晉吏部侍郎文建公之三十六世孫也公人物魁偉秉性剛方不撓不屈自幼穎敏迅捷凡聯句不待思索隨問隨答從父宦遊京畿方伯士直洪公竒之以女妻之後歸省繼丁母夫人王氏憂哀毀成禮年二十七事舉子業習尙書精通大義二十九入邑庠凡五經子史亦皆涉獵爲文理明詞達主司小試屢列前茅成化丁酉大比藩臬幾取中式止失一卷考試者有滄海遺珠



之歎然屢試屢比後進者反得售焉成化乙巳公奉詔出學賑邊納粟急趨中州而例已止矣隨丁父艱公乃歎曰窮通利鈍自有定分今時不偶豈非命耶乃隱而歸宏治戊申有司以公學行俱優薦修實錄別創新宇於村頭堂構連雲開墾山田於清平橫山溪膏腴遍野栽種山苗於山巖張京塢植木數萬而家道豐裕平生不信異端惟修橋路爲樂明志論以寫其心作家規以遺其後規模宏遠矣孺人洪氏錦溪士直公之女端莊靜一勤儉慈惠婦道母儀克盡公之創業孺人內助之力居多可謂女中之傑子三以規以矩以準女一適錦溪洪玉顯有侍孫八人明一明二明三明明四明明五明明六明七明十皆俊秀不凡將來猶未艾也公生于正統辛酉七月廿三日申時終於宏治甲子十二月二十九日丑時孺人生於正統甲子正月十五日戌時合葬於宋塘庚甲向嗚呼人生幅員間若公之





夫婦若公之子孫若公之創業若公之學行僅不多見豈非石中之曼也  
鐵中之鐸也耶庸書以垂不朽

正德元年丙寅十二月十六庚申日吉立

賜進士出身行人司行人廸功郎弟紹正撰文

南京刑部郎中邑人王子言篆額

工部主事文林郎富山方天雨書丹







世譜正率支...

南...

服...

...

...

...



各宗未譜人望考

夫曰未譜而列其人望何也重同姓也昔何武爲蜀郡吏事太守何壽壽以其同姓故厚之蓋何氏散處四方支派雖殊姓源則一旦有本屬親支而世遠年湮末由會合者故就史集中節錄小傳附於卷末俾後之子孫或宦同朝或商同旅問詢而知其果爲同宗彙集爲一全書庶於作譜之義無遺憾焉唯本派得姓最久漢魏六朝引之從詳唐宋元明引之從畧亦以親疏爲等級也至何壽公實係嫡派不得列於未譜又漢靈思皇后叙於何真傳晉穆章皇后叙於何準傳其歷代女后概不立傳者家乘之體裁當如是耳

何武字君公蜀郡郫縣人太僕王音舉武賢良方正徵對策拜諫大夫遷揚州刺史入爲丞相司直出爲清河太守坐郡中被災害什四以



上免久之大司馬曲陽侯王根薦武徵爲諫大夫遷兗州刺史入爲  
司隸校尉徙京兆尹左遷楚內史遷沛郡太守復入爲廷尉綏和三  
年爲御史大夫成帝欲修辟雍通三公官改御史大夫爲大司空武

更爲大司空封汜鄉侯食邑千戶武爲人仁厚好進士獎稱人之善  
其所居無赫七名去後常見思哀帝欲改易大臣遂策免武罷歸就  
國後王莽陰誅不附己者武在見誣中自殺衆人多寃武莽欲厭衆  
意令武子況嗣爲侯謚武曰刺侯莽篡位免況爲庶人

前漢書

何並字子廉祖父以吏二千石自平輿徙平陵並爲郡吏至大司空掾  
事何武武高其志節舉能治劇爲長陵令道不拾遺以追殺侍中王  
林卿之奴哀帝問狀而善之遷隴西太守徙潁川太守郡中清靜表  
善好士見紀潁川名次黃霸性清廉妻子不至官舍數年卒王莽擢



其子恢爲關都尉建武中以並孫爲郎

前漢書

何湯字仲弓豫章南昌人也沛國桓榮門徒常四百餘人湯爲高第以才明知名榮年四十無子湯爲榮更娶生三子榮甚重之後拜郎中守開陽門候上微行夜還湯閉門不納更從中東門入明日召詣大官賜食諸門候皆奪俸建武十六年夏旱公卿皆暴露請雨洛陽令著車蓋出門湯將衛士鉤令車收案有詔免令官拜湯虎賁中郎將上嘗歎曰糾七武夫公侯干城何湯之謂也湯以明經當授太子推薦榮七拜五更封關內侯榮嘗言曰此皆何仲弓之力也

謝承後漢

書

何熙字孟孫陳國人少有大志永元中爲謁者身長八尺五寸善爲威容贊拜殿中音動左右和帝偉之擢爲御史中丞歷司隸校尉太司



農永初三年冬南單于與烏桓大人俱反以熙行車騎將軍事繫匈奴破之軍到五原曼栢以疾卒於師遺言薄葬三子臨瑾阜臨瑾竝有政能阜俊才早歿臨子衡爲尙書以正直稱坐訟李膺等下獄免

官廢於家

後漢書

何顒字伯求南陽襄鄉人少遊學洛陽顯名太學與陳蕃李膺善爲宦官所陷亡匿汝南間袁紹慕之私與往來時黨事起天下多離其難顒常私人洛陽從紹計議爲求援救全免者甚衆及黨錮解顒辟司空府每三府會議莫不推顒之長董卓秉政逼顒以爲長史託疾不

就

後漢書

何休字邵公任城樊人父豹少府休爲人質朴訥口而雅有心思精研六經世儒無及者詔拜郎中辭病而去太傅陳蕃辟之與參政事蕃



敗坐廢錮廼作春秋公羊解詁又註訓孝經論語風角七分皆經緯  
典謨不與守文同說又以春秋駁漢事六百餘條妙得公羊本意休  
善歷算與其師博士羊弼追述李育意以難二傳作公羊墨守左氏  
膏肓穀梁廢疾黨禁解又辟司徒羣公表休道術深明宜侍帷幄倖  
臣不悅之廼拜議郎屢陳忠言再遷諫議大夫年五十四光和五年  
卒

後漢書

何真南陽宛人漢靈思皇后父也后選入掖庭光和三年立爲皇后明  
年追號真爲車騎將軍舞陽宣德侯

後漢書

何進字遂高南陽宛人異母女弟選入掖庭爲貴人拜郎中再遷虎賁  
中郎將出爲潁川太守光和三年貴人立爲皇后徵進入拜侍中將  
作大匠河南尹中平元年張角等起以進爲大將軍鎮京師以功封



慎侯四年詔進弟苗平定滎陽封濟陽侯皇子辯即位何太后臨朝

進輔政錄尙書事謀誅中官事泄為張讓段珪等所斬苗亦為亂兵

所殺 後漢書

何紹為河南懷令三日一視事十日一請倉俸米於閣外作乾飯食之

得一強盜問其黨與得數百人皆誅之政教清平為三河表 司馬彪

續漢書


何夔字叔龍熙之曾孫也太祖辟為司空掾屬太祖性嚴掾屬公事在

匕加杖夔常蓄毒藥誓死無辱是以終不見及遷長廣太守時始制

新科又收租稅綿絹夔以郡初立軍旅之後不可卒繩以法乃上科

禁議後為太子少傅太僕文帝踐阼封陽亭侯三百戶病乞辭位 魏志

何楨字元幹青龍元年天子特詔曰揚州別駕何楨有文章才識使作





許都賦楨遂造封上擢爲比部郎

魏志

何晏字平叔進之孫咸之子也有奇才美容貌尙金鄉公主爲駙馬都

尉關內侯遷尙書主選曹爽被殺爲司馬宣王斬于東市初晏好老

莊之書與夏侯元荀粲及王弼之徒競爲清談祖尙虛無謂六經爲

聖人糟粕由是天下士大夫爭慕效之遂成流風不可復制焉

魏志

何隨字季業蜀郡郫人司空武之後除安漢令蜀亡去官時巴士饑荒

所在無穀送吏行乏輒取道側民芋隨以綿繫其處

編一作帛

足所取直

民視芋見綿在語曰聞何安漢清廉行過從者無糧必能爾耳持綿

追還之終不受因爲語曰安漢吏取糧令爲之償

華陽國志

何曾字穎考夔之子也曾至孝閨門整肅自少及長無聲樂嬖倖之好

性奢豪厨膳滋味過於王者每燕見不食大官所設帝輒命取其食



泰始中累官太宰侍中為太傅乞遜位詔會朝劍履乘輿上殿如漢

相國蕭何田千秋魏太傅鍾繇故事封朗陵侯

晉書

何劭字敬祖曾之子也博學善屬文陳說近代事若指諸掌少與武帝

同年有總角之好及帝即位轉散騎常侍甚見親重稍遷尚書左僕

射襲封朗陵郡公卒子岐嗣

晉書

何綏曾之孫也永嘉三年太傅越入京師殺尚書何綏等十餘人帝但

歎息流淚而已初何曾侍武帝宴退謂諸子曰主上開創大業吾每

宴見未嘗聞經國遠圖惟說平生常事非貽厥孫謀之道也及身而

已後嗣其殆乎汝輩猶可以免指諸孫曰此屬必及於難及綏死兄

嵩哭之曰我祖其殆聖乎曾日食萬錢猶云無下箸處子劭日食二

萬綏及弟機羨汰侈尤甚焉

綱鑑會纂



何攀武帝時爲益州別駕王濬謀伐吳遣攀奉表詣臺口陳事機詔再引見乃令張華與攀籌畫進討之宜濬兼遣攀過羊祜面陳伐吳之策攀善於將命帝嘉之詔攀參濬軍事

藏榮緒晉書

何琦字萬倫繁昌人好古博學事母至孝嘗患甘鮮不贍乃爲鬻主簿察孝廉除郎中以選補宣城涇縣令及丁母憂服闋慨然歎曰所以出身仕者非謂有尺寸之能以効智力實利微祿私展供養一旦煢然無復怙恃豈可復以朽鈍之質塵黷清朝哉於是養志衡門不交

人事 晉書

何克字次道廬江人咸康五年爲護軍將軍六年爲中書令八年都督徐州軍事建元元年徵爲揚州刺史錄尚書事克立朝正色以社稷爲己任凡所選用皆以功臣爲先不以私恩樹親戚談者以此重之



封都鄉侯永和二年卒謚曰文穆

晉書

何準字幼則高情避世兄驃騎勸令仕準曰第五之名何減驃騎準兄弟中居第五也充與準崇釋氏郝愔及弟曇奉天師道謝萬曰二郝諂於道二何佞於佛穆章皇后準之女也後追贈父光祿大夫封晉

興侯

晉書

何無忌東海人元興三年與劉裕劉毅等合謀起兵討桓元無忌夜草檄文其母窺之曰汝能如此吾復何恨元聞義軍起懼曰何無忌劉牢之外甥酷似其舅共舉大事何慮不成四月及元兵戰於桑落洲大破之五月寧州督護馮遷誅元無忌討滅桓元餘黨荆湘江豫皆平爲江荆都督鎮南將軍義熙六年討徐道覆無忌舟師奔敗乃厲聲曰取我蘇武節來遂握節督戰而死詔曰握節鄖難誠貫古賢

晉



書

何承天東海郟人少好學儒史百家莫不該覽爲太子率更令撰元嘉  
新歷表上之又請改刻漏二十五箭遷御史中丞索虜侵邊太祖訪  
羣臣威戎御遠之畧承天上安邊論深切博碩惜乎不竟用也 宋書

何叔度廬江灑人篤行誼官太常致政子尚之爲吏部歸省叔度問曰  
汝行日傾朝相送可有幾人對曰數百叔度笑曰此送吏部耳非關  
何彥德也昔殷浩作豫章嘗定省送者甚衆及廢徙東陽故舊無復

相窺者

南史

何尚之字彥德元嘉中爲丹陽尹居南部外立學聚生徒東海徐秀廬  
江何曇等並慕道來游謂之南學王球嘗云尚之西河之風不墜尚  
之亦曰球正始之風尚在累官侍中領尚書令立身簡約車馬率素



妻亡不娶又無姬妾子偃孝武時爲侍中

南史

何昌寓字儼望廬江潯人宋建平王景素爲征北南徐州昌寓爲府主

簿及景素被誅昌寓啟太祖陳景素之寃又貽司空褚淵書淵答書

志愧而已太祖亦高其義後爲吏部尙書以清白稱

齊書

何戡建元時爲侍中上欲轉戡領選問尙書褚淵以戡資重欲加散騎

常侍淵曰領選之職不容頓加常侍聖旨每以蟬冕不宜過多臣與

王儉旣左珥若復加戡則入座遂有三貂若帖以驍游亦不爲小廼

以戡爲吏部尙書加驍騎將軍

齊書

何憲廬江人博涉該通羣籍畢覽天閣寶秘人間散逸無遺漏焉任昉

劉渢共執秘閣四部書試問其所知自甲至丁書說一事并敘著作

之體累日連夜莫見所遺

南史



何佟之廬江瀆人官祠部郎建武二年旱議雩祭禮佟之上雩祭議又

有司奏景懿后遷登新廟車服之制未審其宜佟之上車服議齊書

何點字子皙廬江瀆人尚之之孫也武帝與點有舊及踐阼特手詔與

之後以巾褐引入華林園高祖甚悅賦詩置酒恩禮如舊梁書

何胤字子季初胤二兄求點並栖遁求先卒至是胤又隱世號點為大

山胤為小山亦曰東山高祖踐阼詔為特進右光祿大夫兼予手勅

遣王果宣之

南史作王杲之

胤反勸果同隱勅給白衣尚書祿不受又勅山

陰庫錢月給五萬又不受乃下勅遣何子朗孔壽等六人於山東受

學太守王元簡深加禮敬胤以若耶處勢迫隘乃築室秦望山俄山

發洪水樹石皆倒拔惟胤室存元簡命鍾嶸作瑞室頌旌之梁書

何炯廬江人為南康王記室初王僧儒為南康王長史免官久之不調



鳳山何氏詩  
致書何炯以見其意 梁書

何遜字仲言東海郟人弱冠舉秀才范雲見其對策大相稱賞因結忘  
年交好文章與劉孝綽並見重於世人謂之何劉初爲揚州法曹廨  
舍有梅一株時吟咏其下後居洛思梅花請再任從之抵揚州花方

盛開對花徬徨終日 梁書

何遠字義方爲武昌太守武昌俗皆汲江水盛夏遠患水熱每以錢買  
人井寒水不受錢者則以水還之其他事率多類此 南史

何思澄字元靜少勤學工文重交結自廷尉正遷治書侍御史入華林  
園撰通畧分書與諸賓朋校定終日造謁晚還家贖勅必盡 南史

何敬容字國禮昌寓子也大同五年爲尙書令左丞參掌佐史以河東  
王譽發其私書事免職後起爲金紫光祿大夫加侍中晉宋以來宰



相皆文義自逸敬容獨勤庶務爲人質慤無文以綱維爲已任

南史

何之元廬江潯人太建八年除中衛府功曹參軍事尋遷諮議參軍後

屏絕人事著梁史三十卷號曰梁典其自序有云何法盛晉書變帝

紀爲帝典旣云師古在理爲優故今之所作稱爲梁典

陳書

何子平會稽人幼持操檢散厲名行雖處閭室如接大賓除海虞令祿  
惟供母不及妻子人疑其儉簿子平曰希祿本以養親不在爲己也

南史

何妥字栖鳳西城人除國子博士加通直散騎常侍時蘇威兼領五職  
高祖甚親重之妥奏威不可信任上入事以諫威大銜之帝令妥考  
定鐘律上考定鐘律表妥又作清平瑟三調聲又作八佾鞞鐸巾拂  
四儻請廟樂用黃鐘之宮皆從之

隋書



何稠嘗使嶺南及還欽州刺史甯猛力請隨入朝稠以其篤疾遣還而

卒帝不憚稠曰猛力與臣約假令身死當遣子入侍開皇十七年其

子長真人朝帝大悅曰何稠著信蠻夷乃至於此

綱鑑會纂

何易于爲益昌令時州刺史賞春與客乘舟過益昌旁索居民挽率易

于乃自引舟守驚問之易于曰方春百姓耕且蠶惟令不事可任其

勞守愧與客疾馳去易于督賦役不忍迫下戶或以俸自輸租獄三

年無囚

唐書

何澄粹青陽人割股親疾爲瘳及歿伏於墓哭踊無數以毀卒當時號

青陽孝子士爲作誄者甚衆

唐書

何蕃和州人爲太學生廿餘年歲舉進士學成行尊諸生不敢與蕃齒

朱泚之亂太學諸生舉將從之來請起蕃匕正色叱之六館之士不



從亂韓文

何堅道州人太學生韓昌黎送何堅序曰何於韓同姓爲近堅以進士舉於吾爲同業其在太學也吾爲博士堅爲生生博士爲同道其識堅也十年爲故人同姓而近也同業也同道也故人也於其不得願而歸其可以無言耶韓文

何澤仕後唐爲洛陽令莊宗好田獵數踐民田澤乃潛身伏草間伺莊宗當馬諫曰陛下未能一天下以休兵而暴斂疲民以給軍食今田將熟奈何恣畋遊以害多稼使民何以出租賦吏何以督民耕陛下不聽臣言願賜死馬前使後世知陛下之過莊宗笑而止獵太平御覽

何蒙字叔昭洪州人太宗親征北虜師還途中御製有鑿輿臨紫塞朔野凍雲飛令何蒙進鑿輿臨塞賦凍雲飛詩召對嘉賞授贊善玉堂野史



何承矩字正則河南人贈侍中繼筠子幼為棣州衙內指揮使太平興

國中知潭州至齊州團練使

厲大鴻宋詩紀事

何郟字聖從成都人景祐元年進士累遷殿中侍御史常極陳夏竦奸狀仁宗諭曰古有碎首諫者卿能之乎對曰君不從諫則臣碎首今陛下從諫如流臣何敢掠美熙寧中以尚書右丞致仕

宋史

何羣果州人嗜古學喜激揚論議石介因館羣於其家使弟子推以為

學長羣與人言未嘗下意曲從同舍曰為白衣御史

文粹

何去非字正臣浦城人累舉對策稱旨授左班殿直武學博士後以東

坡薦授承奉郎司農寺丞通判廬州

宋詩紀事

何灌字仲元武選登第仕徽宗時為管幹步軍司陪遼使射玉津園一發破的再發則否客曰太尉不能耶曰非也以禮讓客耳整弓復中



之觀者莫不嘉歎 宋史

何栗字文縝仙井監人政和五年進士第一歷官尚書右僕射兼中書

侍郎死靖康之難建炎初贈觀文殿大學士 宋史

何宏中字定遠先世居鴈門宣和元年武舉廷對第二調滑州韋城尉

汴京被圍獨韋城不下後爲兩路統制接應副使以糧盡被擒金人

憐其忠授之以官定遠投牒於地曰我嘗以此物誘人出死力若輩

乃欲以此嚇我耶囚西京獄久之免爲黃冠自號通理先生起紫微

殿遷徽宗東華君御容以事之後病歿 齊東野語

何蘧字子遠號韓青老農浦城人去非之子東都遺老入南渡尙存著

春渚紀聞 宋詩紀事

何耕字道夫紹興中守蜀之嘉 有惠政與何逢原孫松壽未誨號四



雁山何氏家譜 卷之四  
循良民繪像祀之 宋詩紀事

何基字子恭金華人師事黃卓淳固篤實絕類漢儒趙汝愚守婺延聘

請講辭不就景定五年詔舉賢特薦基理宗立授史館校勘終亦不

就也學者稱北山先生德祐元年賜謚文定 宋史

何鳴鳳字逢原分水人宋時嘗爲教官浦江吳涓立月泉吟社其第十

四名託名喻似之者卽逢原也 宋詩紀事

何新之字仲德號橫舟西安人仕至樞密院編修官後知忠安軍死節

有詩林萬選 宋詩紀事

何榮祖仕元爲右丞參知政事世祖至元中榮祖以公規治民禦盜理

財等十事緝爲一書奏頒行之 元史

何瑋伯祥次子歷遷御史中丞成宗崩丞相阿忽台奉皇后旨集議祔



廟及攝政事瑋難之阿忽台曰中丞獨不畏死耶瑋曰畏不義耳苟死於義何畏一統志

何喬新字廷秀江西廣昌人父文淵永樂十六年進士官至尙書致仕  
喬新景泰五年進士成化十六年擢右副都御史巡撫山西召拜刑  
部右侍郎孝宗嗣位萬安劉吉等忌喬新剛正出爲南京刑部尙書  
旣而刑部尙書杜銘罷羣望屬喬新吉忌之入不補宏治改元始召  
代銘喬新外家與鄉人訟鄒魯誣喬新受賕曲庇疏乞歸窮治無驗  
魯坐停俸喬新許致仕喬新性廉介博綜羣籍著述甚富與人寡合  
氣節友彭韶學問友邱濬已罷歸中外多論薦竟不復起卒年七十  
六正德十一年贈太子太某予廕明年賜謚文肅五世孫源萬歷初  
爲刑部右侍郎亦有清節



何鑑字世光浙江新昌人成化

年以右副

御史巡

撫江南復巡撫山東遷刑部侍郎尋憂去十八年還朝以故官兼左

僉都御史往河南湖廣陝西閱實戶口因疏善後十事及軍民利病

以聞會孝宗崩武宗悉採納之正德六年拜刑部尚書時太盜並起

兵部尚書王敞不能辦賊以鑑代之捷書屢聞加太子少保以次平

河南山東江西四川諸賊帝喜加太子太保廕子錦衣世百戶都督

白玉以失事罷厚賄豹房倖臣求復鑑執不從諸倖臣嗾訶事者發

鑑家僮取將校金錢言官遂交章劾鑑致仕閱九年卒年八十

明史

何景明字仲默信陽人八歲能屬文宏治進士授中書舍人正德初劉

瑾用事謝病瑾誅復除中書直內閣制敕房錢宣方貴倖所畫造

門求題景明謝曰好畫毋污我題也尙節義而鄙榮利有國士之風



明史

何孟春字子元柳州人祖俊雲南按察司僉事父說刑部郎

正春少

遊李東陽門學問該博宏治六年進士歷遷右副都御史巡撫雲南

討平十八寨判蠻錄功廕一子不受世宗卽位召爲吏部右侍郎尋

進左尙書先大禮議起孟春在雲南聞之疏言願以漢宣光武晉元

爲法及官吏部則已尊本生爲帝后孟春三疏乞從初詔皆不省張

璫列上禮官欺妄十三事孟春偕九卿具疏發十三難以折璫其時

諸臣疏爭並留中孟春倡言於衆跪伏左順門自辰至午傳諭至再

猶不起帝大怒責孟春倡衆逞忿奪俸一月旋出爲南京工部左侍

郎屢疏引疾六年春始得請及明倫大典成削其籍以卒於家隆

慶初贈禮部尙書謚文簡

卷



河維相字務仲南海人嘉靖

言士授

引疾

久之起巡按福建二十四年五月疏劾嚴嵩奸貪罪比之李林甫盧

杞帝震怒下詔獄廷杖除名隆慶改元召復故官擢大理少卿累遷

左副都御史萬厯初厯吏部左右侍郎極論鬻官之害終南京禮部

尙書卒謚端恪 明史

